

嘉興府志卷十五

嘉興府知府 伊湯安 重輯

古蹟 二園宅

嘉興縣

漢

朱買臣宅

東塔講寺乃漢朱買臣故宅

案寺為翁子墓地謂即是宅古

籍無徵始見柳志姑存之

陳

顧野王宅

在府城東七里俗名顧節墩

以上柳志

後唐

嘉興府志

卷十五

古蹟二

一

陸求宅

柳志作陸裘公宅

在縣東三十里後捨宅為安福寺

至元志詳

寺觀

宋

呂家府

在縣東天馬橋北宋有呂諤呂詢呂評兄弟三人相繼登進士建第於此鄉人呼為呂家府至今稱之

案徐發嘉禾古蹟詩作呂家廡云是文懿公第者非也

陳舜俞宅

陳舜俞宅

在縣東北一里崇寧三年舜俞孫捨宅基為

漏澤寺

柳氏園

在縣東南二里宋世科柳氏之園也紹定中通

判陳埴建陸宣公祠于內後為尚書潘師旦所得即會

景亭 以上嘉興湯志 案會景亭潘尙書所創志謂卽柳氏園者似誤

潘師旦宅 在縣東一里明爲屠康僖公勲宅 嘉興湯志 康僖

之廳事曰泰和堂有奇石號天馬峯又有古銀杏二本

宅廢後百餘年猶鬱茂過客多題詠 新纂

會景亭 宋尙書潘師旦園在澎湖濱中有南塢海棠亭

白蓮沼桃花亭紅薇逕茶溪仙鶴亭芙蓉塘白苧橋漁

澱 樵李詩繫 元趙孟頫記略宋尙書潘師旦初知秀州遂有卜居終老之志及通顯位歷尙書未及耄耄

卽解印歸治室于嘉禾郡城之東春波門外償初志也由南塢登漁澱可以遊觀逸樂者凡十有餘所築土爲

堂構木爲亭列樹花果松柏榆柳良辰美景載酒周游沿洞放浪歸則憩于亭上因名曰會景陸蒙老詩曰清

入關干酒易醒春風楊柳幾沙汀平波抵得瀟湘關只欠螺峯數點青舊有扁記公歿後毀棄無存其二世孫

嘉興府志

卷十五

古蹟二

二

文顯求孟頫重書其扁而爲之記吾惟古之公卿宰輔

將以散意息慮求其進退合乎道不言而信及乎豚魚

居之而安遊之而適思之而得休其地可以傳之子孫

而莫有過之者今尙書以深忠碩德光輔帝室天下之

人已其被其澤其爲亭也惡乎過哉然竊有告焉古人有

言創業固難守成不易文顯其思而益勉之 宋周邵

和陸蒙老韻詩亭上騷人醉後醒行吟步盡白蘋汀水

天千頃琉璃地遠有岷山一段青 張堯同會景亭詩

有景道不出須來此水濱十分花鳥色團作一亭春

白蓮沼詩滄波圍四面豔豔玉開花自可如簾幙清香

不用遮 桃花亭詩不待東風折池塘已自春試看原

上客猶恐是秦人 紅薇逕詩漸放秋風曉花無爛漫

香淺深紅似錦散影在滄浪 仙鶴亭詩杳杳雲間路

重重隔翠林數聲清夜後來伴月邊吟 芙蓉塘詩一

發連千丈紅雲出素波秋風吹欲老無柰落花何 白

苧橋詩徧攏敷青綠桑麻共幾家滿城羅綺子應笑不

栽花 漁澱詩野水連天闊滄波引釣緝寄言溪上叟

莫學直鉤人 沈與求會景亭詩柳株高下隔桃溪萬

頃煙波似羨陂畫手無人
貌平遠小亭風冷立移時

櫟齋

在嘉興縣宋衛湜建以藏書

浙江通志 宋葉適
櫟齋藏書記略余友

衛君湜清整而裕淡泊而詳酷嗜書山聚林列起櫟齋以藏之與弟兄羣子習業於中夫其地有江湖曠逸之思圃有花石奇詭之觀居有臺觀溫涼之適皆略不道而獨以藏書言者志在于學而不求安也又其自以為櫟者真無用于世矣非退托而云也蓋君之力良難而任良重矣問學之要除之又除之至于不容除盡之又盡之至于不容盡故稱鈞石必以銖會億萬必以一讀雖廣不眩也記雖博不雜也日融月釋心形俱化聲色玩好如委灰焉然後退于櫟而進于道矣固宜漏衆美而以書言也

竹埜書堂

在春波門外宋龍圖閣學士葉時晚號竹埜

愚叟居嘉興咸淳六年文及翁守嘉興時建

嘉興湯志

徐長者園

園在嘉興長者宋人學道術年八十治圃栽

嘉興府志

卷十五

古蹟二

三

花老於此

嘉禾百咏考 張堯同詩丹砂猶未就
白髮忽成翁却有憐春意栽花向此中

胥山書堂

隆興元年觀察使李某為寺于胥山上後廢

鄉人陳氏鑿石結廬讀書於此名胥山書堂

高氏圃

吳鎮嘉禾八景圖其一曰春波烟雨原題云在

嘉禾東春波門外舊日高氏圃中烟雨樓也

以上吳志
案高氏

未詳何時人據仲圭
題則當在宋元間也

嘉禾軒

郡人唐天麟之居朱彝尊嘉禾志跋云天麟寶

祐四年進士自稱納軒叟居嘉禾軒

新纂

元

春波草堂

在春波門外梅花道人吳鎮讀書于此因以

名堂嘉興湯志明有石夢飛氏就其址結廬名梅坡草堂後

歸李氏新纂國朝朱彝尊題李秀才琪枝墨竹詩

梅花衲仍占
春波橋外居

茶屋 屠兼善建以為游息之所貝瓊記略橋李屠生兼

屋蓋兼善嗜茶尤善烹茶之法凡茶之產于名山若吳之陽羨越之日鑄閩之武夷者收而貯之屋中客至輒汲泉烹以奉客與之劇談終日不待邾莒之會焉

瓜所 朱元度于園中結廬扁曰瓜所以上嘉興湯志

瓜樊園中瓜畔茅屋前賢風離離不比黃臺下啾啾還似青門東日高荷鋤紗帽落月出畱客飽尊酌門外應無納履人靜對圖畫有真樂

楮拙窩 陸學正景龍齋名新纂陸景龍詩安樂窩中

嘉興府志 卷十五 古蹟二 四

爐伏火春如海雪屋團風夜似年香透玉酥和芋撥勝流琥珀帶松然絕勝沈水燒金鴨吹徹參差惱醉眠

明

沈徵士林亭 明初寓公沈鉉之居元楊維禎沈處士林亭詩楊花作絮繚行

路荷葉流錢蓋野池黃鳥一聲啼晝寂不知春去幾多時明高啟沈徵士野亭詩清時猶在野獨臥見高情移艇聞煙唱鈎簾看雨耕江晴雙鸕下樹晚一牛鳴回首徒相憶柴車不出城

尚友堂 牛尚書諒元末寓居嘉興與鮑恂張翥諸名士

友善學者多從之遊自顏其堂曰尚友徐一夔為記以上

橋李詩繫

獨柞軒 徐一夔居白苧里牖外有一大柞吳志徐一

屋在嘉興春波門外茆屋三四楹不喧不寂於居窮甚宜屋東向啟牖牖外大樹一挺然當牖中大五十圍高

四五十尋稍稍濯根入地不知幾百尺其材堅實可用蓋作屬也日夕視之若貞臣介士高冠長劍端儼自持而庸夫孺子凜然莫敢犯時方暑恒踞坐樹下陰下覆清以潤風行葉間聲琤然若秋至私竊自慶有此獲也署之曰獨
柞軒云

柳橋書館 在郡城東八里白蓮寺旁俗名常豐橋元季

劉基嘗館于此作漁唱詩楊鐵厓題其卷橋李詩繫劉基柳橋漁

唱春風淡淡兮湖水波柳垂橋兮青烟滿莎扣子駁兮發長歌靡白蘋兮亂鴛鴦我前有蛟兮我後有鼉子往子還兮吁予柰何彼湖有波兮此橋有柳我維我舟兮聊以搔我首唱歌以邀兮哀莫予偶有蘅在曾兮有沙在雷逝者滔滔兮羌不可久綠蘋兮非非落花兮點衣江無津兮海無涯嗚呼寂寥兮吾誰與歸

梅花莊 在梅會里孝廉王鏞宅新纂靜志居詩話梅

之間市名王店乃洪武中孝廉王鏞及弟鈞之所居也梅會一作梅匯水曰梅溪鏞詩所云吾家舊在梅溪上

嘉興府志 卷十五 古蹟二 五

是也梁孟敬石門集有題嘉興王氏梅花莊詩或即是二王所居明梁寅題嘉興王氏梅花莊詩瀟灑山莊對翠岑梅花潭似白雲深西湖處士臨流玩東郭先生踏雪尋畫暖山蜂喧隔屋夜清霜鶴唳中林輞川舊日多松竹同是高人冰玉心

顏家園 嘉興白苧村顏氏有西府海棠四株極高大著

名禾地花時士女游觀甚多橋李詩繫顏家園海棠花最盛

曝書亭 詩自注

南圃草堂 明天順間許主事章築堂于藕溪之陽以奉

養母氏吳志藕溪在縣東三十里鄒志村曰胡莊許氏宅居

之地許蒙藕溪八詠記案鄒志又云正統初許職方父號松泉者植藕花于上名人墨客多遊咏焉有

入咏題記八詠者曰望山橋觀漁閣條桑圃折柳堤社飲堂畱詠亭采芳艇尋梅逕是也 李東陽社飲堂詩

背屋蕭然蔭遠村碧榆青柳似雲屯仲春到日長為社
野老來時不扣門杖履東風花下酒牛羊斜日路傍原
分明記憶前年事醉掃蒼苔臥竹根張寧畱詠亭詩
鷗詠蘭亭憶往時此亭風景更宜詩吟情欲動花催就
客意將還鳥喚遲自向松間尋舊作誰從竹下刻新詞
百年風雅歸名勝背倚闌干寫竹枝程敏政尋梅逕
詩老圃南通一徑回天寒初放壠頭梅野人竹外扶筇
至地主花前載酒來短笛吹殘江郭裏暗香飛度石城
隈晚來記得歸時路
海月昏昏照古苔

懷家亭館

在相家湖南明懷悅所築

新纂 靜志居詩 話其居曰柳莊亦

曰柳溪故自號柳溪小隱又號相湖漁隱姚允言詩云
風流絕勝輞川莊又云雨衣自織青蒲葉烟艇長維綠
柳枝蘇秉衡詩云簾卷夕陽吟對酒窗臨流水坐看鷗
皆題其草堂作也別有東莊曰釣魚所曰觀蓮亭曰清
風榭曰白雲窩曰載酒舫曰耕雲堂曰栽桑圃曰采菱
灘邱大祐賦八景詩贈焉又有北花園姚延輔有懷氏
北花園宴集詩復有水亭名雪艇大祐詩醉倚闌干俯
春水是也有齋名鐵松岑公琬詩移得徂徠一蓋青是

嘉興府志

卷十五

古蹟二

六

也有軒名月波陳漢昭詩湖上華軒瞰碧瀾是也其自
題鐵松齋詩云青衣開尊傾翠濤詩成落紙飛霜毫園
亭詩酒之會極一時之盛蓋
富而好事者濮樂聞之流也

春風草堂

明李含章司教淮藩一日讀五柳先生傳拂

衣歸築草堂于胥山隱居以終

吳志

培荆堂

在里仁鄉化治間里中著姓金氏三昆友愛同

居其仲鑄建斯堂又有蘭室鑄子蘭所建

許盛記

又有筠

谷有樂泉篔簹環繞水竹一碧為一方勝槩

嘉興湯志 金鑄有

記

呂文懿公第

在屠康僖公宅之東

趙圖記

大學士秀水呂

原宅也

新纂

九柏山房 呂文懿子太常憲宅也太常日對九柏吟詠
不輟卽以名其集

包氏園 明包池州鼎之園在澠湖東有桂堂

瑞劍堂 正德中陶千戶炳有所佩劍夜常發光後屢從

戰有功因顏其堂曰瑞劍以上吳志 案堂未詳在何地舊志列嘉興縣下今仍之

梅墟 周履靖萬歷中布衣築舍鴛湖之濱種梅百餘株

時伊唔其下人呼為梅顛道人橋李詩繫

山樓 明太學生朱茂昉宅在角里街新纂四方賓客至者

必集於此曝書亭集注 明陸啟滋朱子葆畱宿山樓詩見祇不能去扶攜復上樓一尊風雨足四

嶂晚山浮昔共姜肱被會同元禮舟十年家國事淚盡薊門邱 周箕宿朱子葆山樓同徐松之詩主人開竹

嘉興府志

卷十五

古蹟二

徑野客過園扉棋酒交初得林泉興不違簾疎池雨入燭暗草蟲飛冑下南州榻何須數問歸

巢端明山居 孝廉巢鳴盛宅近石佛寺橋李詩繫端明

不出隔溪築一小閣屋外植短籬環栽橙橘百本

水西草堂 明初楊公輔宅見楊孟載眉庵集其地當在

角里街明楊基寄題水西草堂詩鴛湖東武塘西桃花滿川蒲葉齊春風二月微雨霽鷓鴣拍水黃

鶯啼推窗只見參差柳柳色波光淡于酒烏紗官帽半籠頭紫竹漁竿長在手平生愛讀內景書往往適意追

禽魚開門嬾迎俗士駕拄杖欲叩高僧廬客來舉酒邀明月細瀰松濤煮春雪但覺身無俯仰勞安知世有東

西別今年扈從來犬梁錦袍白馬青絲轡信陵宅畔暮鴉集朱亥門前秋草黃輪番夜直中書省霜華滿中鬢

髮冷粉署香銷紫綺袍碧梧影落黃金井魂夢時時到草堂曲欄花藥漫分行他年得遂歸田計多種牆陰十

桑

四老堂 趙庶常智之世居在白苧鄉

明王直有記

竹所 蔣秀才文藻齋名

似雷仙門掩清陰日日眠客至

一心堂 太學生姚惟芹宅

飲詩幽花抱古木疎影散庭際露清風力微落葉不滿地我為明月來還向月中醉

南陔草堂 沈大夫堯中宅堯中啟隆五世孫也

明王世貞南陔草堂記略郡大夫沈公執甫以陸士仁所繪圖進曰此

草亭已治圃于水南叔子靜庵公吟嘯泉石諸名公從之游晚得夏太常景園其亭勝并顏東郭草亭四字鑄

石以傳四傳至先大夫南野公日與里人飲酒于野為樂後五遷乃傍南園遺址構數椽仍結草亭曰白苧山

居近稍增葺二十餘楹南對淇園綠陰當戶折而西過釣磯踰小橋則草堂在焉堂四面植梅傍橋植柳橋西

嘉興府志

卷十五

古蹟二

為水屋中容小船南樓三楹扁曰苧村烟雨蓋嘉禾之最勝處西瞰滌湖與煙雨樓相望樹外湖光如練帆影出沒真如華嚴兩浮圖摩空而獻秀又西為望湖亭亭西為渡口則主人遲客處也管橋東郭草亭為沈大夫賦幽偏角里足道遙小憩茅廬勝折腰十畝瓜田春樹合一灣萍水暮煙消亭如綠野堪供賦地似桃源可避囂不獨于今成吏隱也令千古讓風標又南陔草堂詩衡棲居寂似崆峒野老相傳舊問宮曲徑春深麻苧雨小亭秋滿菱荷風吳岡越嶠微茫外沙鷺汀鷗隱見中須信世途無坦地只宜長日醉芳叢

碩寬堂 黃學士洪憲之第有碧山居學士歸田讀書處

在西馬橋又有素園學士子按察副使承昊別業在春

波橋之東 明王衡橋李黃學士碩寬堂詩彼美北山下

殘書擁花場半俸租秋園蝴蝶老夢覺始為吾小有足

高隱芙蓉塘上秋浮雲欄檻外別是一重愁張孝友黃蔡陽學士舊居詩屋角峯雙峙園邊水四圍文章開軌

範喬木見清暉花廡閒吟壁苔牆沒釣磯年年雙燕子
猶遠碧潭飛沈琪碧山居詩解組歸來好結廬相傳
學士獨藏書一編遺在猶
能讀堪笑多金賦子虛

怡園 屠諭德應竣別業在顧節墩其臺曰仍臺堂曰蘭

暉堂後譚司業貞默居之曰研山書圃 明唐順之登屠翰林別業仍臺

作詩二首太史仙臺多勝槩正臨橋李古城東五色雲
深知海近四圍山遠覺天空閒居作賦青春後幾歲鳴
絃明月中不是掖垣同宦侶閉關那許得相逢一上高
臺興不孤望中總總入虛無烟雲春變陰晴氣草樹天
輪海岳圖對酒笑將花作伴銷憂誰問土
非吾知君苦厭文園臥此地能令肺病蘇

恬致堂 太僕李日華之第在春波門外螺螄浜日華嘗

具疏乞歸時熹廟稱其孝思恬致可嘉因以名堂又有

六研齋紫桃軒味水軒

寫山樓 李太僕子肇亨所築又有率圃圃中有五峯 靜志

居詩話吾鄉鮮巖壑之勝然園亭之參錯水木之明瑟
舟楫之沿洄縱游覽所如而不倦萬歷以來士大夫留
意圖書討論藏棄以文會友駕社之集先後賦詩者三
十三人玉杯錦席之地皆化為宿草荒烟惟李氏寫山
一樓尙未椒飛粉落
宛然靈光之在魯也

西園 陳子吉築在西郭 明姚寬詩近郭透迤一徑餘林
居幽傍幾漁家江楓初落催詩

葉巖桂仍開送酒花龍臥潭心雲不動鳥啼城
角月初斜良宵樂共星簷賞歸路休驚犯斗槎

經畚堂 孫簡肅子成倫宅在東門外小溪家橋趙宦光

篆額後有可園又有響山閣褚廷瑄書額孫氏自平湖

分支遷于此

南園 高工部道素別業在白苧村 明李日華留贈詩曲
流初洗盞深柳又停

河各有招攜興何妨共嘯歌蘭亭羣從在朝水勝遊過
月爲今宵好花仍此地多古圖開雪蘭新築敵烟蘿未
盡盤桓意重
來踏逕莎

西園 高工部承埏別業

明孫一驢重過高工部寓公西園詩十畝閒園舊板橋道南重

過黯魂銷秋花黃蝶猶成隊曉露紅蘭惜易凋事去英雄時坎珂年來車馬巷蕭條靈均一去何由返空對江潭賦大招

苧莊 沈上舍章所構在角里街之水南莊額鄒臣虎題

又有南山草堂鄭篋書榜

案靜志居詩話上舍所居苧莊略約近相通環以水竹余

嘗讀書其地章詩曰苧莊集盛遠序刊之有自撰苧莊十詠

綠雨莊 一名南園知縣朱茂暲所築

朱彝尊詩最好南園叢桂發畫橈長

泊煮茶亭自注南園余叔宜春令別業有桂樹四本高俱五丈蘇子瞻煮茶亭在水北 楊瑄飲朱氏四桂園

嘉興府志

卷十五

古蹟二

十

和曹倦圃韻詩麗句曾誇十樣箋遙知花下做瓊筵酒厄未與高人共遊屐還容野徑偏客過小山清馥早香浮老屋碧陰圓秋郊無限尋芳興咫尺城隅隔遠天

峯在閣 褚孝廉廷瑄園中之閣在角里街

國朝孫自式夏日遊褚

孝廉園中峯在閣詩高閣白雲裏相招其怡悅開襟受涼風不覺生冰雪孤塔當窗牖平疇接林樾時時見山僧來往踏秋月竹密常晝陰花繁自夜發主人意無窮清歌時散髮

靈蘭館 范布衣路書屋在梅里靜志居詩話云路晚開

靈蘭館賣藥長水市是也

以上新纂

國朝

朱太史第 在梅會里秀水朱檢討彝尊之居明文恪公

國祚故第在府城碧漪坊以避兵屢徙家其曰靜志居

曰茶煙閣者少壯僑寓時所題也順治十四年卜居里中荷花池之陽其廳曰潛采堂堂西有竹垞有醞舫堂後曰敬悅齋又有南垞北垞槐泔菱池芋陂諸蹟堂南有桂之樹軒有煮茶聽雪之亭康熙三十五年于池南結曝書亭嚴繩孫書榜後以名其集四十四年

聖祖仁皇帝南巡蒙

賜研經博物額敬懸廳事最後葺娛老軒為晚年著書處其欲

築而未果者曰六峯閣孫稻孫以名其稿楊謙梅里志乾隆

以來曝書亭圯嘉慶元年學政今巡撫阮公元試嘉興

屬知府伊湯安因舊址重建次年亭成阮公偕守令率

嘉興府志

卷十五

古蹟二

十一

多士讌集賦詩以落之刻詩文於石柱並輯題咏為二

卷

新纂 朱彝尊戲題竹垞壁調寄風中柳有竹千竿寧使食時無肉也不須更移珍木北垞也竹南垞也

竹護吾廬幾叢寒玉 晚來月上對影描他橫幅賦新詞竹山竹屋鄒筒一束筍鞵三伏竹夫人醉鄉同宿

又索次岳畫竹垞圖調寄百字令杜陵老矣共丹青曹霸白頭漂泊花柳春殘都未見底事燕南樓托略約長堤嘔啞柔櫓只憶江鄉樂吾廬何處斜陽芳草村落

況有蔗芋閒田竹梧舊徑客至堪杯酌試畫三楹茅屋矮隨意圖書簾幙峽石東西橫山近遠密樹遮雲壑明

年歸去小樓添向牆角 沈岸登題竹垞圖和百字令主人歸也儘客來看竹短篷長泊雪色書齋堪吐璧老

去閒情慵托塞柳騎驢江蘆聽鴈轉覺垞中樂青錢憑買移些村叟鄉落 竹外三兩枝頭桃花也放更好時

吟酌春雨江南容易見消頰年來簾幙二畝新秧六峯曉翠便是真邱壑小樓添否斜陽先在籬角 巡撫阮

公元追題竹垞圖次原詞韻先生歸矣記江南春雨扁身初泊自種垞南千箇竹老讓懶雲閒托繭線牽魚弓

枝射鴨足伴填詞樂畫圖長在官教踪跡零落 今日

水淺荷荒巖低佳蠹殘址難樹酌何處牆邊樓影小曾
展秋窗風幙儒老乾坤書懸日月莫漫悲亭壑重摹橫
卷遠山還染三角又曝書亭落成疊次原詞韻南坵
荒矣問書船潞水何人停泊經卷詩篇零落後魂夢向
誰棲托把酒能招披圖相慰畢竟歸來樂結成亭子我
今重為君落才見五馬行春雙鳧漾水攜書同斟酌
尚有孫枝桐葉在護雨秋風簾幙疊石栽花引牆圍竹
依舊分林壑者番題柱夕陽休彌牛角知府伊湯安
重建曝書亭記梅會里曝書亭者秀水朱竹垞先生所
築而因以名其集者也先生舉康熙己未詞科入翰林
預修明史歸田後擁書八萬卷勤著述尤篤于經所輯
經義考三百卷聖祖南巡賜額有研經博物之
褒乾隆四十二年太上皇帝賜題長律海內翁
然宗之嘉慶元年學使閣學儀徵阮公按試禾郡以講
經術敦行諡為士子訓士風振起湯安承乏郡守于士
之賢者亦皆識之試事畢公特訪曝書亭遺址則廢已
百年矣乃與大中丞玉公方伯謝公觀察秦公議修是
亭而湯安實任其事遂清復遺址官給值以贖之芟荒
鉏葦繚以短垣亭柱易以貞石使可久且以為鑄字之
地仍懸嚴蓀友中允所書扁過者不啻先生在時也且

嘉興府志

卷十五

古蹟二

三

蔣花貼石略還桐階蘭砌之舊牆陰有桑百十株則界
其後人資修葺費而曩之菱池芋陂以及繡鴨灘落帆
步諸景供游觀之勝者姑俟諸郡人之續成焉可已
是役也邑令司何兩君為湯安分任其事而司諭車君專
董之落成之日乃進斯鄉之人而告之曰公之建是亭
也非徒惜名迹之湮沒也非徒為檢討子孫復祖業也
將以使鄉之人知鄉之有賢士大夫雖沒世而猶當尊
且敬如此也使檢討之子孫知先人之遺書手澤存焉
當守且讀如此也使四方之士聞之知通經博古述
作不朽德久而益光其興起當何如也知通經博古述
以政學教天下學使奉命稱職必以經術深厚文
章爾雅之儒是崇是奉其奮發激厲又當何如也案
題竹垞圖者自沈岸登而外有李良年高士奇徐鉉尤
侗顧涓戴綺葉舒穎郭徵葉舒瑯繆泳凡十八人調並寄
百字令特不步韻耳文繁不備載

秋錦山房

徵士李良年宅在梅會里朱彝尊撰行狀云

君築秋錦山房于漾葭灣其南曰觀樞東曰剩舫北曰

息游草堂坐臥其中弟子著錄者日衆君精心計其築草堂也構櫺柱枅瓴甍之屬一經鳩度立匠人巧者于前分授之斧斤既施不爽尺寸新纂

瓣香閣 宜山居士盛遠結庵隱滄湖濱新纂郡守黃家達

為建閣南湖千頃在几案間閣西築生壙題宜山居士

之塔人比之孤山處士云吳志

秋水閣 木威道人張劭所居在馬場湖之涘新纂案

坵弟子三家詠物詩劭其一也木威詩鈔有題云倦游卜宅結小樓湖邊與瓣香閣相望即此

秀水縣

周

嘉興府志

卷十五

古蹟二

三

范蠡宅 在縣西南即今金明寺舊傳范蠡去越曾隱于

此有塑像在佛閣下山門前碑刻陶朱公里嘉興湯志范蠡

故居本不可考後人因范蠡湖之名遂榜為陶朱公里

也浙江通志案樵李為吳越往來所經之地是以流傳古蹟有范蠡湖又有祠有橋有塢皆後人所被名

宋元記載固無卜宅是邦之說也陶朱公里四字為明滇南郭斗書萬歷辛巳四明董渭立石尤不足為范蠡

宅之證

漢

嚴助宅 天寧寺殿後世傳助故宅柳志案至元志祇載助墓不言助宅所

在柳志不知何據詳寺觀

晉

干寶宅

今靈泉鄉真如寺乃其宅基

碧里雜存

徐熙宅

秀州精嚴寺舊號靈光即東晉選部尚書徐侯

熙所施

宋王希呂精嚴禪寺記

百丈溝在精嚴寺山門之前晉成

帝時郡人徐熙尚書宅建此今溝石百丈溫然如玉光

潤可愛

鄒志

梁

蕭王宅

蕭王太祖廟在嘉興縣西北梁蕭氏興江左實

有功在民故州縣多祠之惠安寺即蕭王故宅也

至元志

唐

陸齊望宅

陸贄祖宅在府治西南贄祖名齊望仕唐為

嘉興府志

卷十五

古蹟二

十四

秘書監大歷中因女誦法華經感天墜花遂捨宅為寺

女為尼名法興有碑刻尚存今廢為寶華倉

秀水任志

案嘉靖間緹帥陸炳于倉基造恩綸樓後廢為民居見嘉興湯志又攜李詩繫云曹侍郎浴居之構采山亭

陸宣公宅

在城內甜瓜巷即贄祖齊望宅

新纂陸游入蜀記抵秀

州游寶華尼寺拜宣公祠堂有碑缺壞磨滅之餘時時可讀蘇州刺史于頔書大略言秘書監陸公齊望始作

尼寺于此其後灞澧兄弟又新之後又有賢妹字新意者陸氏嘗有女子為尼云諱灞者宣公之父也 新

城能仁院內有宣公祠或云寺故宣公宅今猶有像設

吳志

裴休宅

在秀水縣南四里唐大中十年裴相休捨宅為

寺

即真如寺

有裴丞相祠

案浙江通志休未嘗宦禾地亦不言流寓攜李或父任浙東偶僑居

于此清暉堂亦裴相別業今為伽藍殿柳志詳寺觀

徐家莊 徐岱蘇州嘉興人大歷中浙西觀察使李栖筠

厚遇之表故所居為復禮鄉舊唐書傳在縣西北二十里柳志

曹珪宅 珪仕吳越守嘉興後為蘇州刺史光啟中捨宅

為羅漢院即宋招提寺也今廢為鹽運分司嘉興湯志案柳志

宋嘉熙間鄧州人金鶴雲以琴書寓嘉興富家近招提寺夜聞女子歌曰記得一曲直千金如今寂寞古牆陰秋風芳草白雲深斷橋流水何處尋推戶至榻及別去以金贈之女子潛然曰妾曹刺史女也已得仙術但凡心未除遭此降謫君前程甚遠夾山之會君其慎之金後為縣令卒于峽州考其寺即珪宅後鑿土得石匣古琴有金繫焉

宋

嘉興府志

卷十五

古蹟二

五

沈氏千載樓 在東門內宋淳化中丞沈景樞構聚賓友

命奕賦詩至今巋然存未嘗易姓御史郭紹儀進士汪

挺顏之曰千載五十世孫太學沈中彥置堂于側多名

人題咏袁志

趙老園 在郡西十里景德院後乃宋致政殿丞趙克歸

隱藏書萬卷之處賢良陳舜俞題曰趙公園柳志

陳賢良宅 宋陳賢良宅即今餘慶大佛庵嘉祐六年捨

案宋賢良陳舜俞宅其孫捨為漏澤寺在嘉興縣境別業在白牛涇屬嘉善縣境史志所載並同不聞別有宅也惟鄒志云餘慶大佛庵在縣治西二十里宋嘉祐六年陳賢良捨基為之但言捨基是陳捨地為寺基耳縣志即以為捨宅似誤

岳珂宅 在阜城門內珂嘉定中守嘉興後寓居金陀坊
著金陀粹編以上秀水李志

王希呂宅 在府治西南二里西湖上希呂晚知紹興府
歸無屋可廬寓於僧寺孝宗聞之賜錢造第後人所謂

聽履坊也柳志

讀書堂 宋朱敦儒字希真高宗南渡初寓此有讀書堂

在天慶觀之西秀水李志

景范廬 在報忠坊金明寺後宋淳熙戊戌狀元姚穎築

圃范蠡湖側讀書粧臺之下顏其廬曰景范嘉興湯志

詩非棄清明樂隱居特因景范面駕湖觀瀾興罷春風
軟濯足歌殘夜月孤照貌不須臨玉鏡洗心常得近冰

嘉興府志 卷十五 古蹟二 六

壺幾回魚躍鳶飛際
識破中庸率性圖

婁機宅 鳳池坊婁機故宅今郡學之前朱彝尊後改爲

嘉興府學嘉興湯志

樊氏園 秀州樊自強主管廣樊自牧教授抑皆茂實吏

部子二樊居城外居地頗壯茂實晚歲所築隔水有小

園竹樹脩茂荷池渺瀰可喜池上有堂曰讀書堂

陳大光宅 大光字子充瑩中諫議孫居第雅潔以上陸游入蜀

記

南湖草堂 鴛鴦湖上宋建嘉興何志宋

聞人安遠宅 在縣東北一里天星湖北安遠侍郎鼎次

子也以子宏貴贈朝散大夫前後林泉映帶列子孫之舍十餘房聚族百口嘉興湯志

焦家園 阜成門內嘉興何志案在宋殿帥焦虎臣園

方輿勝覽園舊有三峯石高二丈餘奇花異卉稱是後孫炳

炎中探花與炎魁武舉元末裔孫熙七歲童科尋為王

同知所有後鞠為茂草惟遺峯石宣德初為內侍昇其

石去柳志今存者惟流觴石趙圖記案此園康熙間錢

新有綠溪三徑記既而割售于人祝舍人維誥得其西

偏之綠溪莊其後併屬唐御史淮題曰合峯園仍學使

之結構加以葺治曲池喬木尚餘古意明許詢如焦

虎臣園詩虎臣花園今何在逝水東流去不還誰似宣
公份社裏清風千古闕芸關國朝錢江綠溪漫咏
歸來小有林泉趣近築茆堂在舍南樓外修梧初映碧
嘉興府志 卷十五 古蹟二 七

橋邊流水晚拖藍愛延逋客開三徑許共名僧對一龕

聽法談詩吾事了十年悔不早抽簪浦山樓畔梅如雪

竹影團欒覆地陰一日坐來如兩日短吟行罷復長吟

風波不作花間舫山水疑調松下琴把卷開尊兩不厭

放翁詩句醉翁心案莊內又有石芝亭亦錢學使所築懷應聘有記

孝友堂 在府城中宋紹定間翰林學士項相與其弟棟

奉親而作嘉興湯志

國朝乾隆十六年 高宗純皇帝南巡 御製嘉禾道中雜吟有題孝友堂詩恭紀卷首新纂宋真德

翰林學士嘉禾項公兄弟二人奉親而作公以聰明之

資簡重之器魁傑儁偉之材佐聖天子禮樂太和之治
光昭四海格於上下而公之令聞令望日新月盛明良
相逢千載一時天下之人莫不想望風裁仰慕公之為

人而不知公之所以致是者蓋有其本矣公自居鄉里讀書養親罔有違越篤愛其弟恩意藹然及舉孝廉登顯榮敷歷中外雖身都富貴未嘗一念不在乎親也而公之弟服勤致養克盡子職亦未嘗不以公之心為心也孝友之至通於神明故公之先尊及太夫人咸被推恩茂膺錫命者雖曰積善有自蓋公兄弟孝友實有以獲乎天者也間歲公奉命巡行淮東得便道省謁寵賚甚厚公遂乘傳過鄉里拜太夫人於堂上而太夫人壽考康寧備福之盛公奉觴上壽兄弟怡怡子孫繩繩當世鮮與比樵李之間瞻望咨嗟而山川草木亦與有榮焉公既得以申孝友之情於親而當世之人又有以知聖天子孝治天下深仁厚德錫類無窮焉公世本洛陽自大理評事公晉隨駕南渡晉生煜煜生學士顯於開禧紹定今兄弟德行道義又為當時所重則公世濟其美者其來遠矣嗟夫咏蓼蕭於小雅哦鳴鳩於曹風其為父子兄弟足法而後可以教國人者余於公之兄弟見之矣公以堂屬記於余余乃本公之實行取君陳之義以表彰之且為之文以華諸堂非溢美將以為天下後世勸也公名相字汝弼弟曰棟字汝用因併記之俾子孫不忘焉

嘉興府志

卷十五

古蹟二

六

林衡宅

在迎薰門外衡仕宋為秀州知州直敷文閣

秀水

何志

趙大夫宅

報忠觀宋淳祐九年里人趙朝散汝俳捨宅

為觀

祥寺觀

徐聞詩宅

靈濟廟舊在西門外即故知惠州徐聞詩宅

今故址尚存

以上至元志

沈氏園

宋建炎初秀卒徐明之亂命張俊致討俊至秀

州守趙叔近郊迎於郡北沈氏園

吳志

劉漢傑宅

宋郡守劉漢傑夢觀音因得女生數歲不茹

葷遂捨宅為寺

至元志

古報天尼寺在城內

新纂

太初堂 至元丙子以宋相賈似道太初堂為書院 周伯琦宣

公書院記

城南蔣莊 在府城南舊為遊賞之地 新纂 宋李長民詩四首愁臥邱亭

上蘭時忽過中幽人倦賞物青帝謾施功柳眼依依碧
桃梢冉冉紅直須千釀酒一醉百花叢郊居人事絕倦
暑每晨興蓮奉祠中佛笋供林下僧吟餘厭蟬噪望遠
喜禾登朝市忘懷久何勞羨賜冰今日旦商飈起肅然雲
氣秋稚蟲工促織老蔓擬牽牛莫賦潘安閣聊登王粲
樓家園歸未得孤夢繞松楸寒來惟喜睡忽忽又朝暾
地迴霜逾白庭空雀倍喧 甌窰烟半吐盞面酒微溫莫
問烏銀價晴檐好負暄 案吳志李長民作正民蓋因
其兄弟而誤

元

濮元帥園 在幽湖上濮元帥銑所築至大中迪功郎泰

嘉興府志

卷十五

古蹟二

九

定間起為元帥北征歸田後築此雪廬和尚有詩 濮鎮紀聞

釋克新詩海國元戎鬢未斑歸來拄笏看青山田園
暮景煙塵外臺榭春風錦繡間桐影連溪鷗夢穩桂香
吹月鶴笙還碧尊綠繪黃
花酒時向尊前一解顏

雪筠齋 元濮敬之建 嘉興湯志 釋克新有題辭

稅暑亭 在聞家湖元至順間里人朱張穹壽建 秀水何志 元

岑士貴記暑梅趣朱張君穹壽之五世祖武節將軍諱
宣事宋扈謁南遷定家湖之乾隅宣生詔詔生鏐鏐生
彌皆蟬連不替彌為進義校尉隨駕崖山殉國溺海君
與其弟天任痛父不返昕夕哀思願以所居捨為禪院
以資君親冥福牒于官請額曰報恩復裝嚴像貌割田
以贍于縣東百餘步奉其父衣冠藏之建亭以休憩寒
暑勞勩之杖履自是由家道湖至墓所皆成坦途亡舟
楫風波之苦孝思之興得以時展亭之成適當仲夏之
月可以休涼遂名之曰稅暑亭梁東
西有梅柳因名之曰問柳曰尋梅云

合溪別業 顧阿瑛所居新纂張士誠入吳避蹟隱嘉興之

合溪營構別業橋李詩繫元釋來復寄題合溪別業

水鱸三尺秋風鶴一羣行厨依竹見吹笛隔花間最喜

逃禪好蒲團擬共分不食諸侯祿閒居避俗氛岸花紅

作陣沙鳥白為羣貝葉風前讀菱歌月下聞清游難再

得愁絕一江分陳基寄仲瑛萬嘉興詩每憶吳門顧

醉疆舊開池館帶滄浪綠波芳草盟鷗鷺錦瑟玉笙悲

鳳凰座客詩成誰最好故人酒後我多狂扁舟獨往鴛

湖上老劇猶龍賦草堂環碧堂 在縣西南幽湖之畔元朱顯道建明貝瓊

梓宇 在城中元舉人張翔南翼建堂前有一文梓高可

十尋以上嘉興湯志

忠孝堂 鴈湖陶氏世居新纂案陶氏家譜自菊隱翁

嘉興府志 卷十五 古蹟二 三

郎扁堂曰忠孝後堂燬曾孫長原復之時為至正甲辰

周伯琦篆額成化乙未又燬長原孫御史楷更新而廣

之仍扁曰忠孝先後作記者徐永達楊復趙智周鼎朱

應祥蔣誼姚綬張錫作賦者蕭子鵬作銘者錢璣朱祚

明 西溪隱居 漕渠之西為西溪有鮑陋案當作恂前隱居

趙圖記 明徐一夔記略西溪在嘉禾郡城之西三里

緣溪上下長波平陸浸衍曲折若龍蛇馳騫樹木散出

篁竹叢生隱如深林絕壑今鮑先生之居在焉先生之

居逐溪而成屋數楹在竹樹中高亢軒豁有蔬可茹有

桑可蠶有牲魚酒醴可以供祭祀賓客旁無雜鄰農家

漁舍參差相映大官貴人非求謁者迹不相及白日悠

永沙禽水鳥之泳翔村歌野唱之響應輕撓短楫之往

來舉不出于顧盼之外誠煩夫隱者之居焉初先生世

居崇德州其門人有為之卜築者徙此一十年矣郡人

至比之武陵桃源云 周棐詩溪上齋居好幽偏事不

侵桑麻存晚計圖史樂初心岸幘幽臆曉

移牀綠樹陰卜鄰何待老從此數相尋

屠氏桂林 屠允號桂林居士宣德間人橋李詩繫園在城西

有桂二本垂蔭逾畝每歲兩樹迭開金蕊一枝曝書亭集注

明屠允雙桂詩月中有雙桂本是同根生庭堦久移植

冬夏常青青春風既滋浥秋風正敷榮碧玉琢為本黃

金綴為英郊林願心友燕山非面朋高枝早攀擢遐邇

揚台名國朝朱彝尊擢歌去郭西南桂樹林五畝

之園一半陰笑插枝頭最深蕊兩鬢如束薛寒金

綠疇軒 在穆谿明朱微孟寬構新纂 構李詩繫微編

城市日惟壘石列卉木構綠疇軒棲息其中與到則乘

小艇攜尊罍之屬沿溪而溯之持竿垂綸徜徉鷺汀鷗

渚間得魚貫酒醉則偃仰舟中扣舷而歌

聲出林外望之若神仙自號穆溪漁隱

思紹堂 在縣西北雲泉鄉明聞人著建以為祀祖享賓

燕會族人之所嘉興湯志 明李進有銘

嘉興府志 卷十五 古蹟二 三

著書堂 尚書項襄毅公忠宅在餅山右明姚克過項申

蒙莊宅幽棲仲蔚家來逢池畔奕聊試竹間茶曲徑滋

瑤草芳屏散綺花還忘在人境何必羨煙霞國朝

曹溶詩曲洞迷秋逕叢筠覆石斑滿城無尺阜此地即

深山與到嵐光密幽多翠色還主人空鎖鑰輸我日窮

攀 冰雪堂 此梅僉事江與項襄毅伍公矩結構李耆英會

處也蕭子鵬作記以上 吳志

野樂園 吳尚書鵬所建即楞嚴寺基靜志居詩話尚書

佃浮屠廢寺為民居公子繼輸值于官請佃楞嚴寺隙

地且酬僧徒以白金四百因葺野樂園園有堂曰先瀛

前為圃曰間間曰猗猗曰忘機曰都春門曰吾如所堂

後有樓曰雲日樓前亭二曰漱芳曰臨賦小沼環之左

右齋各一日悟真曰 守虛尚書自為記

半郭樓 沈少司馬思孝所建在薦橋之東

姚士粦見只編司馬乞身

歸里做廬湫隘與子姓共居因別構數椽于郡城東偏有一樓半窺雉堞遠銜林水影蕩雲日命曰半郭自賦重九落成詩一時名流和司馬又有別業曰綠蘿莊一篇成帙 胡震亨有記

名繡野莊在相湖濱其城居之廳事曰快雪堂

以上新纂

沈昭和半郭樓落成韻詩遙聞半郭樓成日正是重陽雨過時賀客風前誰落帽主人天上獨題詩當空明月臨牕近極浦寒雲到檻遲豈謂青門終屏蹟暫憐秋色在東籬

天籟閣 項元汴藏圖書之所在城內靈光坊

新纂元汴號

墨林山人嘗得鐵琴一上有天籟字下有孫登姓氏因

以名其閣

吳志國朝朱彝尊懷鄉口號墨林遺宅道南存詞客畱題尚在門天籟圖書今已盡

紫茄白苧種諸孫

嘉興府志

卷十五

古蹟二

鶴石居

岳中丞和聲之園

新纂

中丞築園西郭先月亭故

址有茂林清池虛亭敞閣以延攬烟月滌除塵氛蕭然

有遠寄也

六研齋筆記湖中勝晴生水竹香隔林看鶴矚移月近魚

國朝曹溶岳氏園詩地得

梁粉堞牕間小鄰鐘雨後長最多瀟灑意景色待壺觴

閒敞軒

都察院照磨朱茂昭小圃在真如寺右板橋之

西

新纂靜志居詩話夾岸紫藤萬條寒玉當春梅放不減鄧尉西溪四方名彥爭過為文字之飲去鶴洲

不遠游者比之何家大小山

秋月庵

貢士馮延年書屋

新纂

延年字千秋夢禎孫寄籍

錢塘歸隱秋月庵

構李詩繫

鉏舉人園

鉏用登字百穀秀水舉人

構李詩繫

園在西郭外

新纂 組用登小園初成陳仲醇過詩版築登登罷圖
書處處遷茅柴過橋酒燈火到門船竹徙上番雨荷開
半兩錢醉吟無不
可爲我拂朋箋

已齋 吳文學統持所居在秋涇橋又有明月樓在鴛湖

濱 明陳素題明月樓詩一水隔人境長林遠近間湖光
明似月樓迴靜干山叢桂懷賢古新荷製眼開不堪

登眺處氛瑤暗江關 國朝王宗簡寄題已齋詩二
首聞說幽濱際珠林居士家蕭條彭澤柳爛漫武林花

曲檻青松老長廊紫燕斜佛光開已字月上淨聰紗欲
傍冥鴻去秋涇逕自深翱翔無俗樂琴瑟有清音自得

烟霞趣偏宜水月心一
方天浩淼何日遂幽尋

水肥齋 高秀才松聲書屋 以上新纂 橋李詩繫松聲
字元雅與從弟淑民號雙隱

可經堂 徐尚書石麒麟第 新纂 冢宰歸田日築堂于郡勝曰

可經人不解其故及乙酉城破自經于堂始信公之就

嘉興府志

卷十五

古蹟二

三

義立志已久蓋與昔賢止水之意脗合焉 靜志居 尚書

子爾穀有畫水草堂 吳志 國朝朱彝尊權歌吳公
殉節在京師冢宰家居城破時行

客可經堂外過國
塲風雨颯淒其

竹深處 明初董好問所築在烏橋港 明貝瓊
有記

深悅齋 明初徐益權所築在南湖濱 明貝瓊
有記

水竹居 在澄林其地多水竹包克恭購而居之 貝瓊有
記又馬

盛記 明王鏞詩碧水澄潭自作洲琅玕多種屋東頭
旋燒新笋當茶竈時所嘉魚上釣舟客至好從明月飲

居間何必五湖遊我家舊在
梅溪上遙憶清風度早秋

春和堂 陶楷文式氏所築一時作記題詩甚富

同心樓 陶士敬有子鉦等三人築此以示友恭之誼鉦

後以捐賑旌為義民又有書樓陶楷所受之世居也楷子嚴為御史大夫陶氏科名始盛明周鼎有書樓記

東莊別業 在鴈湖之東陶存恕始築之其廳曰衍慶堂

江陰卞榮記又有水竹居野嘯亭來秀軒閱耕處

柿林新居 金慎宅在新城鎮慎官典史能詩

聚奎堂 卜氏兄弟大同大有大順三進士之居在集慶

益泉別墅 卜太守大順築在集慶明周思謙詩故人自是悠悠者十年避地東山下

蹟謝簪纓無是非心將魚鳥同閒暇松間竹裏對琴書路僻人稀閉齋舍花落塔前野鳥飛雨餘檐外風泉瀉感興長歌才子詩客來復與清樽話只今歸去未盡歡寄宿還期明月下

存石草堂 在思賢鄉明沈僉事啟原宅焦竑撰沈僉事行狀述其歸田

嘉興府志 卷十五 古蹟二

後葺先人林園為偃息計為堂有與閒存石為閣有紫芝闔風為齋有止觀徐于為臺有紫雲香雪為亭有蒼玉點易

狀元第 在南門毛家坊明贈少保朱儒宅以子國祚中

萬歷癸未進士第一人表此額先是嘉靖間儒夢神人

鼓吹迎一匾入門曰咸春堂時方起廳事落成遂以名

之吳太宰鵬書榜又有熙朝元輔額巡撫傅某所題

朱文恪公第 太傅朱國祚宅在城內碧漪坊之塔衙宅

之廳事曰有容堂其書屋曰介石齋明徐孚遠簡朱子若詩烏衣巷口舊

勾畱不過東齋兩度秋準擬天星湖水發藉袈橋下穩停舟 國朝朱彝尊懷鄉口號先人舊宅北門樓舍後斜陽塔影低門徑傷心 難再問夢魂猶繞舊沙堤

修紀堂 方伯盛萬年宅在梅湖之中李圩董其昌書額

又有滴露堂飲醇軒宛委齋四照閣其東有世德堂

姚尚書園 姚司空思仁別業在鴛湖濱中有水周堂其

山石為張叔祥所壘 國朝朱麟應姚尚書故園詩尚書遺別墅四望水云云帆影花間

出鐘聲竹外聞徑荒侵蘚迹沙淺浴鷗羣緬想通門諠

欲獻對夕曛 陳經業水周堂詩南郭饒竹樹寂歷尚

書園藤穿敗壁隙蘚積空階痕舊堂曰水周誰與開清

尊波心峯幾朶一一飢蛟蹲岸柳半臥水絮夾藻蘋翻

已荒鷗鷺宅但聞鷓鴣言 林泉難久占吾弗營邱樊

石經草堂 陳無功著書處 明李肇亭詩草堂間敞水西頭筆搆經畬老未休桑翰傳

嘉興府志 卷十五 古蹟二 五

家惟破硯志和泊宅少扁舟一簾花雨供枯坐兩展

松雲試獨遊他日若脩高士傳隱流端復是儒流

徐尚書第 徐司馬必達故居在城內徐家埭又有園在

五龍橋西中有南州峩雪亭 明李應徵花朝集徐德甫園亭詩一室成邱壑悠然

會遠心餘寒春色淺過雨藥欄深蝶戲纔窺

幔鸞唳稍出林綠尊畱客醉隨意坐花陰

清宛堂 范明泰長康宅後為徐太僕祠 堂前有舞蛟石詳古蹟

放鶴洲 在鴛鴦湖畔貴陽知府朱茂時別業初茂時築

此園以奉從祖文恪父尚書歲時讌賞逮歸田後樂志

烟霞教羣從讀書結文社其間者四十年 靜志居詩話城南放鶴洲

相傳為唐相裴休別業名曰裴島然考新舊唐書俱不言休流寓吳下至元志柳志于鳳喙補志俱未之載或曰南渡初禮部郎中朱敦儒營之以為墅洲名其所題也世父拓地百畝自湖之田有堂有亭有橋有船有岡有榭有庖有溜雜樹花果瓜疇芋區菜圃靡所不具陳少詹懿典為作記董尚書扁李少卿日華為寫圖後先觴咏題壁淋漓今則大樹飄零高臺蕪沒止有臥柳斷橋而已 案寫鶴洲圖者自李少卿而外又有徐宏

澤項聖謨戴晉卞久王時敏魯得之皆一時名筆又有
張南垣墨石圖蓋假山出張手也茂時與弟茂皖皆有
放鶴洲記 國朝吳偉業詩別業堂成綠野邊養雛
丹頂已千年仙人收箭雲歸浦道士開籠月滿天竹上
縞衣三徑石雪中清唳五湖田裴公舊宅松陰在不數
孤山夜放船 汪挺朱太守鶴洲草堂落成詩澗紆巖
削徑初成雅稱歸來物外情近郭門無軍將打過橋龕
有佛燈明雙棲烟鳥昂藏鶴獨轉風林斷續鶯敢謂幽
踪希二仲深煩折簡費將迎 曹溶遊朱氏鶴洲詩司
寇聲名大家風尚肅然圖書無畫棟蔬菜半秋田草綠
湖光嫩廊空塔影圓裴休曾捨宅翻讓結茅賢 余懷
秋日集鶴洲詩得拜元方藉季方疎林秋晚奏笙簧茶
煙帶鶴通花徑屐齒隨鶯到草堂淇澳清風惟種竹成
都薄產但栽桑十年再見悲霜鬢惆悵鴛湖認夕陽
王庭詩放鶴何年去遺名在此洲栽成花徑曲綴得草
堂幽澹有谿光夕涼多石氣秋客來頻取醉絕勝習池
遊 吳綺夏日過鶴洲詩放棹尋鴛水停橈過鶴洲荷
高香入檻竹密翠遮樓有石皆能瘦無溪不占幽禽魚
渾自得盡日為淹畱 朱彝尊權歌蟹舍漁村兩岸平
菱花十里棹歌聲儂家放鶴洲前水夜半真如塔火明

嘉興府志

卷十五

古蹟二

美

譚吉璉權歌裴休島上最蕭疎傳是朱三
十五居安得閒身坐消夏插天翠柳滿牀書

吟

曹不困書屋

明常彝詩深居山與靜芳草綠堦染
析義天破荒覓句鬼驚險盤蔬刷溪

毛琴絲韜山屨清談坐日暝兩兩
懷不厭石交起古人相期在無忝

東溪

文學朱茂凋別業在南湖旁有鏡雲亭

明朱茂凋
東溪歌錦

鳥迷沙日花飛一水香采蓮聲欲斷愁煞淥川長水色
明晴畫江花憶去年前溪好風月未可即回船 徐貞
木題鏡雲亭詩舊接裴家島紆回徑不分水流無限月
客臥幾重雲麥氣迎秋近楓香隔岸聞空亭誰鼓瑟惆
悵憶 湘君

松厂

戴山人晉齋名晉隱精嚴寺之西偏結庵曰松厂

賣藥為業晚歲依放鶴洲以老主人為別築三楹館之
曰蝶華居項玉筍有戴山人傳

勺園 一名竹亭在澎湖濱吳吏部昌時別業峯石為張南垣所壘當時歌舞甚盛吳既敗園漸荒今為漁戶晒網之場矣

狷石居 五經進士譚貞良齋名在碧漪坊

國朝譚吉璉權歌宅西

狷石舊名亭會侍先人說五經夢想故園猶在眼棕櫚一樹假山青

寶澤堂 錢侍御嘉徵故居在角里街

案嘉徵元孫侍御載移居鳳池坊重

懸是額于廳事自跋云先高祖侍御公之堂曰寶澤舊在角里街今謹請 皇子書此二字以額于百福巷所居勗我後之人 蓋不忘先澤也

父子繡衣第 在王江涇南市明副使陶儼大理丞陶謨

所居門前小浜舊產五色螺

嘉興府志

卷十五

古蹟二

三

三徑草堂 在王江涇故明遺老蔣之翹所居後有劍嘯

堂黃汝亨有記

以上新纂

國朝

倦圃 在城西南隅曹侍郎溶別業本宋趙郡王府遺基

侍郎得而經營之以城為屏幃有二十景

叢筠 逕 積翠 池 浮嵐 范湖

草堂 靜春庵 圓谷 芳樹 亭 谿山 真意 軒 容與 橋 漱 研 泉 潛山 錦淙 洞 采山樓 狷溪 金陀 別館 聽雨齋 橘田 畱 眞 館 澄懷閣 多名流題咏臨清周之恒為寫倦圃二十景 春水宅

圖系以詩

朱彝尊有記

後歸汪氏又名鐵舟園園左水一曲

即范蠡湖也

黃與堅記略禾之西南隅名范蠡湖者宋勸農使岳珂著書其所迄今金陀遺蹟猶

可考少司農曹秋嶽先生於此濬流壘石園遂以成珂號倦翁先生因之顏其園曰倦圃禾之園有山水可觀

者遂以是為甲曹溶喜周青士沈山子朱錫鬯過我園居詩古木秀林表淥水栖城濱門庭靜無蹟乃欲還其淳有客造座隅雅度開沈淪芙蓉媚廣席涼露流冠巾夕照散閭緒拂石垂釣綸點筆曲池上微咏何彬彬遂覺蓬蒿廬中得江南春自卜此宅來疏剔漸增新菜把日充饌種松長比人亭宇雖過儉高下皆如真能使友朋洽不特魚鳥親茗飲命荒厨相顧忘其貧清飈泛瑤瑟時雨吹輕蘋惟當絕塵鞅篤與隱者鄰杜濬倦圃詩為秋岳賦此地推林壑朱家放鶴洲繡衣心更遠倦圃地偏幽萬竹干霄上雙橋信水流繞園無限好收拾在扁舟戴鏡鐵舟園銷夏即事詩納涼亭子綠陰稠水檻風櫺面面幽小倚胡牀成偶夢汀荷如雪冷香浮

同山堂

在倦圃旁亦曹侍郎溶所築叢桂成林

曹溶詩 古道何

人識秋亭盡日間折花存素節扶病過青山家釀時堪續顛毛近益斑幸先搖落候恩許二疏還

鴛湖別業

沈方舟所居

梁佩蘭寄沈方舟鴛湖別業詩南湖三十畝君在鏡中居菱葉

嘉興府志

卷十五

古蹟二

三

煙浮水梅花月照廬人間湘簟冷風遠玉簫疎何地無佳興高吟出夜魚

經緯堂

杜尚書臻之第在城內斜橋堂內敬懸康熙三

十九年

御賜煙霞耆舊額又四十四年臻歿後

御賜眷懷舊德額宅後有園曰采山亭又有樹玉堂臻子知縣

庭珠所構

案尚書故宅在嘉興縣之官灘地近梅會里故新城王士禎送尚書子告詩有亦

欲投簪東海去便從梅里問幽棲之句

雙松堂

在城內又有敦古堂在虹橋匏庵在南湖濱皆

盛明經大鏞所居

姜宸英有記

惟小園

在秋涇橋北吳給諫源起奉親讀書之處中右

荷池南樓竹塢小閣桂叢草堂水檻蕉軒槿籬水曲諸蹟給諫自爲記

壽萱堂 錢文端陳羣第在郡城南門內四隅有橋皆名蓮花而宅居其中文端祖居海鹽半邏村成進士後始奉母陳太夫人卜居于此堂西建

御書樓樓下曰頤和室乾隆初陳羣以刑部侍郎乞歸蒙

御詩有子告遂頤和還鄉諺如約之句因以名室堂東有小廳

曰樂順

春暉堂 諸宮詹錦所居在穆家灣錦念母夫人教自題

此額桐城張相國廷玉書

嘉興府志

卷十五

古蹟二

元

回谿草堂 在蟹行橋之南錢侍郎載之祖居宋太史彝

尊取元錢諷史韻以名之也

以上新纂 彝尊又題楹帖曰披山傳諫草遵海重

清門蓋謂載會祖嘉徵說見列傳 錢載詩山屐茶瓢半有無老梅寒菜未疎燕十年夢寐先人墓萬里歸來不肖軀北巷蟹行橋水縮南鄰銀杏樹霜枯 賜書 賜帖憑開展聰聽如何勉令圖

嘉善縣

唐

陸宣公故宅 張涇匯東唐宰相陸宣公故宅子孫世居

于此宋廸功郎陸瑀勅祠以祀宣公土人名其地曰陸

莊 嘉善 楊志

宋

陳賢良隱居 在清風涇析屬嘉善卽宋史所載白牛村

別業也 嘉禾百詠考 案至元志白牛市嘉興縣東北六十里賢良陳舜俞居焉自號白牛居士故以

市名

唐氏園 在西塘東宋唐介福介壽兄弟別墅山池亭榭

冠絕一時 嘉善章志

鮑氏池亭 在陶莊市宋鮑節制別業中有喬松怪石環

翠池石屋洞今廢 嘉善倪志

沈氏園 去郡二十里餘曰北山草堂初沈氏于此鑿

池壘石手植九松今高百尺合數圍 項玉筍北山草堂記 園昉于

宋明正德間有名裴者更爲增築多畜鶴拓地爲東西

嘉興府志

卷十五

古蹟二

三

舍壘石爲山依山結屋題曰北山草堂 魏塘山頂有舞

袖峯崮立若美人側出可四五尺郎當如舞袖良嶽起

花石綱懼而髡其首得存 魏塘詩陳國朝周篔記

湖北有沈氏居自南宋迄今曰北山草堂者其始基也

堂後有池池之北爲園園有石山上有古松九遂以九

松名其地余客魏里始往觀焉所謂北山草堂者結構

甚古規模宏壯其中可坐千人前後軒及左右翼室深

檐四覆各占方面亦可坐百數十人又有堂曰小雅

高廣不及北山三之一相傳小雅字爲建文帝遜位南

遊時所書出堂後並池而轉度略約登瀛虛閣憑閣以

望池光如鏡而峯巒倒影其中有若修蛾高髻之窺臨

矣下閣遵山麓攀緣而上山不甚峻而盤迴曲折高下

之勢遂若數仞者下飲池水入其中爲澗爲壑爲島爲

嶼清寒之氣凜人毛髮每入一洞轉一峯向背位置體

勢各具其曰舞袖峯者尤爲一山之勝云 朱彝尊櫂

歌斬王戰艦已無踪婁相高墳起舊峯曾見朋遊南渡

日北山堂外九株松 邵廷章北山草堂詩西望麟湖

墅園林一過從高風三徑竹清蔭九株松曲磴
疑無際迴峯起別踪休文遺裔在邱壑白雲封

唐莊 在斜塘宋唐貞肅公介子孫居此

嘉善楊志

丁氏園 在北八區丁氏祖以靖康時扈駕南渡卜居沈

香湖手植黃梅一株傳十一世歷四百餘年

嘉善戈志案邵倅

步騰曾題其居曰世守舊廬倪雲林楊鐵崖皆有題咏

有石狻猊二右猊為紅巾

試劒劈傷半面亦宋時故物

嘉善楊志

希賢齋 桐廬方說為朱文公門人乾道四年徙居于嘉

興之北築希賢齋文公為書扁

至元志今屬嘉善

趙若誦宅 在熙寧橋西若誦宋宗室勲夫之孫所居有

高臥亭燕樂堂俱廢今後巷猶以天水名

嘉善于志

嘉興府志

卷十五

古蹟二

三

元

錢隱士水村 在汾湖之涯元隱士錢重鼎德鈞所構趙

孟頫為繪水村圖名士題咏甚多

嘉善戈志案朱彝尊題趙子昂水村圖

趙王孫畫山水用絹素設色者多獨水村圖橫幅以紙

寫之且用水墨洵神品也又王士禎居易錄云德鈞水

村有二圖趙承旨作之于前薊邱李息齋為之于後

元錢重鼎水村隱居記略予遊淮水來吳會客于季道

陸翰林之宇下近十年知其有別墅在汾湖之東欲往

來未能每思寬閒寂寞之濱得與鱸鄉蟹舍鄰接庶城

市委巷偏仄之懷有所托以紓焉季道悉予志為卜築
其別墅之旁至則聚書其中以自怡悅屋前流水清澈
鑿毛髮居人類汲以飲時有鷗鳥舞而下若相忘于江
湖可取以玩也異時子昂趙集賢為作水村圖寫于大
德壬寅迄延祐甲寅十有四年景物處所宛然不異于
今所居事固有不相期而相符若是 葉齊賢題水村
園詩坐窗不邀呻蠹竹兀兀那知髀生肉眼明見此水
邊村浣我胸中塵百斛荒山寂歷蒼煙斜驚風颭颭鳴

蒹葭平沙草寒羣鴈起垂柳掩映幽人家風流王孫摩詰手妙處端如神所授等閒點綴皆精研怪底秋光生戶牖我家本住松江濱恍然一見融心神他年卜築遂君志畱取青山客散人黃肖翁詩幽人心地本翛然此境相諳七十年茅屋數椽依約外雲山一抹有無邊眼前生意今林屋筆底秋風古輞川勝景有餘描不盡歸鴻幾點落寒煙吳延壽詩村南村北樹濛濛秋水清煙野色空道外俗塵飛不到似移家住畫圖中

沙棠莊 在縣治西北二十四里里人馬氏宅有垂絲海

棠一株百年物也柳志旁有海棠亭釣魚臺今廢嘉善倪志

戴氏園 在白牛鎮柳志元戴光遠別墅栽杏花甚多時人

遊賞曰杏花莊今名尚存嘉善于志國朝顧啟杏

村有鳥喚提壺杏花寒亂春深處好抱瑤琴一醉沽

陳氏東西園 在魏塘嘉善倪志元萬戶陳景純所闢內有雪

嘉興府志 卷十五 古蹟二 三

月樓一亭榭七十二王國器記之柳志花園街卽今梅花

里西花園街久廢嘉善章志至正間有星隕石景純取以爲

山今縣治卽其處趙圖記輟耕錄景純號愛山家甚

邀顧淵白觀之指謂曰此公族中物也淵白笑曰東搬

西倒陳默然元黃魯德愛山花園詩削除荆棘創高

臺萬紫千紅二月開日日笙歌樓上醉不知寒雨鎖荒苔

吳氏園 在魏塘鎮後元時吳瓘案瓘倪志作瑩樵李詩

所闢也名曰竹莊舊有池數十畝天然若湖瓘後欲置

園偶得水殿圖因据圖構亭水心瀟灑卓絕後懼譁訐

易名三教堂塑像于中洊遭兵燹遂廢嘉善于志

采芝室 風涇鎮王世昌所居楊廉夫記嘉善倪志

明

卓氏荔軒 在甓溪洪武中卓成大所居其先世閩人宋

亡遯跡于此 嘉善于志 案明徐一夔記荔軒者卓器之撫其先大父思鄉之言而作

芝林 在縣麟湖之陽曹氏居之林中曾產紫芝六莖故

名里人沈槩詩曰重踏芝林苔芝生滿雲路不見採芝

翁清風自來去 鄒志

楊任故居 在魏塘鎮任死于國難時有妾方娠知縣徐

本縱之依兄沈廣生男宏五世孫淵有幸存圖藏于家

吳志後楊港楊公任所居 武塘耆舊傳 案任以匿黃子澄被累死詳見遜國諸臣傳

東作莊 在魏塘街東北孫詢別業 嘉善章志 明李東陽詩知時好雨正當

嘉興府志

卷十五

古蹟二

三

春黃犢犁邊緣綠水新林外不須催布穀農家自少晏眠人

綠溪 在王帶鎮明正統間翰林支五經立講學之處溪

流湧翠喬木參雲有文瀛軒清旦閣諸勝子高孫祿曾

孫大綸累世著書其中清芬世德邑推文獻之家 嘉善戈志

明吳淳還綠溪訪古詩風月無邊草一庭森然妙蘊發新硎清芬贏得流傳久葉葉人呼小五經

桐村小隱 在斜塘鎮北周鼎讀書之所 嘉善于志 鼎又有齋

曰疑舫 吳志 案桐村遺址久廢後人于四賢祠左葺數椽顏曰古桐村并植桐二本誌之其實非也

明周鼎桐村書屋詩得此水雲鄉幽棲百草堂每迎官舫至多買異書藏社飲宜隣俗春園雜野芳篝燈殘

雪後窗月弄昏黃 吳寬詩見說移居處江南第一村過牆桐樹直而屋杏花繁艇子將茶竈鄰翁送酒尊東

偏近魚市更欲置柴門 史鑑詩高年厭塵市小隱在煙村溪水到門綠野花經雨繁隔鄰呼酒伴對坐且開

尊醉臥人來問
兒童出應門

南桐書屋 桐村南有沈大政者慕周鼎之為人構南桐

書屋牕前植桐數本藝蘭于陰鑿池栽荷結籬種菊屋

後梅竹遶之自號清修六友續魏塘紀勝

丹邱 雲東逸史姚綬所居大雲里饒水木作室曰丹邱

橋李詩繫家有振衣亭出乘滄江虹月之舟粉牕翠幙吹竹

彈絲望者以為水仙江陰卞榮贈詩云西崦新為墅東

橋近在垌同郡呂憲贈詩云兩屐登山輕上下一橋分

宅作東西烏程閔珪贈詩云松逕掃雲招野鶴畫船搖

月貫晴虹皆實錄也靜志居詩話明卞榮書姚公綬雲東仙館詩兩遊橋李未逢君只

嘉興府志

卷十五

古蹟二

三

見滿溪流出雲今日眠雲仍飲水赤欄橋下坐斜曛

芝邱 明周澤家八南區成化十八年其後圃竹林土阜

之上忽產芝三莖癸卯澤舉鄉薦第一因名其圃曰芝

邱魏塘紀勝

藥圃 在城內東南隅明高士袁仁藝藥之所仁號參坡

精于醫嘉善志植藥草三十餘種有無窮活人意帶月自

耕犁之句後吏部錢棟讀書于此改名南園新纂

山隱堂 在八南區大張圩嘉善志孫奎隱居錢士升周宸

藻王慎德皆有懷山隱堂詩吳志

梅花渡 在西郊外永七區寒字圩明刑部支如玉與子

元素允堅著書處廣五十畝流水環之藝梅千樹略綴亭臺今廢為壠畝訪古者每流連焉

嘉善志

荻秋菴

吳志遠結茅水田曰荻秋

吳志

在祥符蕩與高攀

龍歸子慕講學處時高有水居歸有陶庵吳有荻秋更

相往來談道

嘉善志

明高攀龍荻秋雪鷗閣詩日夕水煙起細雨漁舟出草閣出微寒主人

方抱膝點瑟軒詩曰狂我豈敢聊爾混樵牧閉門春色深相看柳條綠班荆館詩無客長閉門客來其心賞去來亦何心春風芭蕉長歸子慕春日送吳子往荻秋菴詩迴絕幽棲處何當春日過花開亭午足蜂過短牆多清世義皇夢滄浪孺子歌同心吾輩在天壤樂如何

新溪墅

在東刺史涇左濱州司馬孫枝良績學課子處

溪橋竹木幽曠絕塵

嘉善志

嘉興府志

卷十五

古蹟二

三

綠雪軒

卞洪載從高忠憲游綠雪其軒名也忠憲壽卞

母九十詩背郭清溪阿母家卽指此

吳志

瑞竹居

毛士俠居宅俠幼孤奉母極摯庭前木香一本

架竹爲屏冬杪將翦伐枯條忽見綠葉潛滋春季新笋

迸逗翠竹數竿觀者咤爲孝感乃葺屋三楹顏曰瑞竹

居

新纂毛蕃有記

客園

在東關外下塘與城僅隔一水內有東山陸山謾

山簣山叢桂坡擁髻峯鏡湖東澗迴清溪話雨池問水

亭競秀亭遙雪亭呂仙祠晚對軒虹明閣翠巢岸舫諸

勝錢中丞繼登構以爲園是主人主人是客故額是名

百城煙水鏡湖中一峯高數丈如美人堆髻鬢綴雜花鬢髮

有致上鐫巫髻二字范久臨書嘉善戈志明錢繼章題家孟岸舫詩閣以臨

流勝斜陽亦帶寒燕鶯人共語竹石水相安坐客惟蒲褥藏書恥畫欄靜參淳朴意山好不須觀

谿嘿園 在城外石暉橋北錢菊農名繼章繼登之弟別墅中有

招鶴亭梅花逕綠涼坡天夢閣縫碧橋逸老亭稼軒魏塘

紀勝繼章晚年築谿嘿園綴石蒔花垂老不倦有逸民遺

風檣李詩繫國朝孫琮詩曾向谿亭一問奇十年雲散苦離思今朝再過谿亭上愁說梅花似舊時

遯溪 在永七區北暑圩距城三里相國錢士升別業四

方賢士輻輳延黃道周講易其中如賀逢聖倪元璐顏

茂猷熊開元輩後先至止講學論文一時稱盛嘉善戈志中

嘉興府志

卷十五

古蹟二

美

有鱗月堂取李文山玉鱗斜月之句又有招隱軒木石

居桃花埂君子亭釋智潛有詩云鱗月堂前花事冷尙

畱殘雪在高枝魏塘紀勝乾隆戊寅相國元孫浩充重修新纂

國朝李永祺詩老屋隱松間疎籬補斷闕尋源真得水看竹忽登山行見遊魚樂坐聞鳥語間出門屢回

首步步惜輕還

藏密齋 魏忠節公讀書之所在北城內忠節被逮子學

泚隨父赴難捐軀以殉聞于朝表其廬曰一門忠孝魏塘

紀勝

茅簷齋 孝子魏學泚齋額吳志學泚有茅簷賦新纂

只是齋 忠節被逮時訓子學泚有只是讀書數語因以

名其齋世稱子敬為孝子子聞為小孝子

吳志 案浙江通志學洙

作學 伊誤

靜影齋 在西南內獨圩明孝廉夏繕講學處繕與魏孝

子學洙交最厚日聚處齋中討論經史具見茅簷集所

載侶龐詩文序 嘉善 戈志

竹蘆圃 在夏墓蕩明計元勳為大父營兆域于此築垣

閣現蓮臺據梧軒桃花塢芙蓉徑弄丸齋舞鶴亭釣魚

臺圃西有古墓曲溪喬木新堤風帆月棹印渚符灣八

景

積翠園 在蔣村亦錢士升別業

以上 新纂

嘉興府志

卷十五

古蹟二

三

國朝

霽園 在西城外福星橋北柯岸初所築中為雪滌草堂

堂後三楹曰背山臨流旁有涵虛閣閣右有舞袖峯面

峯有軒名對一取唐人戶對一峯青之句後園廢峯移

入城中

國朝錢澄之霽園即事詩匠心原擬畫寓目 總堪詩是樹皆凌壑無腮不面池曲房聽雪夜

虛閣對花時遙憶梧 垣客閒宵有夢思

涉園 魏子存別墅在香花里中築浩然齋西澗草堂清

聞閣綠淨軒筠蘆園之創始錢職方彥林也舊名彷彿村

以上魏塘紀勝 國朝蔣廷棟詩峯巒盤窈窕咫尺 聞風岑臺榭堪舒嘯林泉偶會心兩飛蘿逕翠雲護石

牀陰暇日容過 訪花源路恐深

東園 在城中和里向係錢氏息園今為曹源郁別業有

小飛來諸景 嘉善戈志 案乾隆辛酉曹廷棟葺產鶴亭姪焜繼葺二六書堂曉翠樓觀妙軒諸

景 曹廷棟詩舊業溪東五畝居板橋渡處樹垂盧開

開曲徑堪栽菊靜敞明窗好著書林壑總教古意在栖

魏氏水村 魏坤禹平別業在汾湖徐虹亭檢討李南溟

上舍皆為寫水村圖一時名人題咏最多 新纂 魏坤

能尋畫我向圖中又覓詩一片蒼葭數株柳分明秋色

鴈來時 徐鈞為魏禹平繪水村圖因題舍南舍北響

魚又垂柳陰濃靜不譁一曲鑑湖底用乞烟波是處有

生涯 朱彝尊題禹平水村圖詩鷗波亭子趙王孫曾

嘉興府志

卷十五

古蹟二

三

五柳村 沈湛字淵伯世居斜塘葢桐村舊居也有五柳

遂以名村 橋李 詩繫 又構屋數椽名曰畏築李燁詩所謂畏

築兩間大如斗是也

柏學士茅屋 柏古字斯民構一椽于清風涇黃九煙題

曰柏學士茅屋用杜少陵舊題也 柏古步杜韻詩涇水

似碧山居詩交杜甫千秋上春老陶潛五柳餘學士清

風還拂拂野人茅屋豈渠渠年來已辦漁樵事徒有家

曹少宰鑑倫第 在縣東門內中和里康熙壬午鑑倫官

學士時

御書錫類堂三字褒之

韓菼有錫類堂記

香林 在柳洲亭長隅邑人朱之榮于錢枻柳樊舊圃廊而新之具亭池竹石之勝以上新纂 國朝章愷香林詩陰陰密柳萬條垂綠染

廳紗碧染池愛煞午風清暑後曲欄干畔坐移時

山曉閣 在楓涇鎮孫琮著書處嘉善 戈志

永宇溪莊 在北郊永宇圩乾隆庚辰曹廷棟自營壽藏先築亭種梅復構屋數楹于後中為順寧居有石刻倡鶴圖即廷棟小照也東曰雙巢西曰秋水夕陽亭折而南曰幻不壬屋其北曰俟廬廷棟有溪莊前後四詠前四詠為築亭種樹編籬架橋後四詠則四面碑三折徑嗅梅欄招鶴橋也曹廷棟自為記

嘉興府志

卷十五

古蹟二

三

桂圃 在城東南隅本程氏舊築曹源郁得之名桂圃內有藏輝閣雙槐書屋栩栩亭漁梁石梁諸勝後又歸盛氏易名黃雪山居

二十五峯園 在環整坊科甲埭海昌查開築有春風第一軒八方亭清夢軒平遠樓園多湖石最勝者為自在仙掌鸚鵡諸峯杭州杭世駿記以上新纂

海鹽縣

晉

右將軍戴威宅 在縣西一十七步恭帝時捨宅為寺唐昭宗時修碑尚存剝落不可讀至元志

何后宅 在縣南三里柳志何準寓居焉一夕羣鳥啼噪乃

生女他日復夜啼推之乃穆帝立準女為后之日晏公類要

案范成大吳郡志何后宅在吳郡南未知孰是

唐

著作郎顧況宅 在縣西南五十七里橫山禪寂寺側宋武

原志案自海鹽治至橫山止四十里柳志亦作五十七里皆誤也硤石山北至元志宅

中有橫山草堂橫山紀略山上有讀書臺曝書亭集注唐

家住雙峯蘭若邊數聲秋磬發孤煙山連極浦鳥飛盡月上青林人未眠劉長卿過顧山人橫山草堂詩祇

見山相映誰言路向通人來千嶂外犬吠百花中細草香含雨垂楊閒自風欲尋樵徑去惆悵綠溪東國

朝彭孫貽顧通翁橫山故居詩雲峯竚窳閣精廬誰識山人舊隱居古樹尚巢松際鶴清流可數鏡中魚長溪

嘉興府志 卷十五 古蹟二 單

水抱孤村遠硤石煙橫返照初遙憶當年文酒地落英

侵案鳥窺書按察使秦公瀛詩通翁舊宅閉蒼苔雙硤雲峯護石臺疎磬數聲啼鳥外夕陽閒殺讀書堆

宋

樞密郭三益第 縣西安仁橋宋樞密郭三益彰慶館基

也樂郊私語紹聖四年令閻建以郭居隘陋蓋亭為延賓之

所名彰慶館建炎三年兵燬紹興壬子縣令歐陽延世

撤館以營縣治後五年建稅務元末燬于兵海鹽陳志海鹽圖

經云宋樞密使彰慶館邑士人登第始郭氏郭氏子三益又仕至使相有司為立館中衛禮賓客以榮之

常氏園 常氏邑世家多甲第園在城西南中有滇茶一

樹丹葩照耀五里外盡見之海鹽圖經

日涉園 魯嘗知廣德歸大闢園圃手自種植名曰日涉
隱士許棐梅屋 許棐隱居秦溪種梅數十株構屋讀書

自號梅屋慕香山東坡畫二像事之 以上殷水遺聞

都督徐應選故宅 在縣西四十二里鶴塘橋之西北俗

名徐塔村 橫山紀略

元

舊時月色軒 縣治東隅故宋裔趙公範兵燹後軒其故

居曰舊時月色 海鹽圖經 明徐一夔有記 朱朴詩 蝶老花殘燕不歸酒闌香盡客來稀多情只有黃昏月依舊清光照瑣闌

情只有黃昏月依舊清光照瑣闌

徐彎故居 天仙湖在城西十里傳有徐彎故居彎仙去

嘉興府志

卷十五

古蹟二

望

故以名湖 樂郊私語 國朝彭孫貽詩仙家遺宅訪徐彎伐木腰鎌去不還苔漬白龜浮水裔蟲

侵丹篆滿林間神沙古井潭前月羽化罡風海外山可有當時舊雞犬深林寂寂叩柴關

宣慰使楊梓宅 澈浦城西門內大街南元宣慰使楊梓

居之建樓十楹以貯姬侍謂之梳粧樓明廢為延真觀

續澈水志 明朱朴詩羅綺香銷鏡匣收碧山空對晚粧樓樓前昨夜新秋月猶學蛾眉翠黛愁 國朝彭

孫貽詩畫閣青山宣慰家會將金屋貯名花米樓吐月開粧鏡紅袖翻風駐彩霞樂府酒旗銀落索姬人宮粉

玉鈎斜舞臺歌榭今何處澈水荒城只暮鴉

明

沈嗣昌廬 沈嗣昌居豐山之南洪武初令王文匾其廬

曰孝隱 海鹽圖經

蘇元吉宅 洗馬池半邏東南二里昔蘇元吉自城中徙

居于此 鄒志 案鄒志又云海月樓在縣西三十步資

德初徙居半邏洗馬池之陽故樓名雖存今廢

呂氏秀遠莊 在順寧橋南 海鹽圖經 明朱祚有記

張黃門宅 在遷善橋巷 海鹽圖經 黃門張寧致仕歸築方洲

草堂于海澨疊石為山上有峯曰蒼玉曰挂頰曰小飛

來巖曰宿雨曰滴露洞曰歸雲坡曰蘭雪岫曰茶煙嶠

曰咏月磬曰卓筆泉曰洗硯池曰映山皆劖于石而通

目之曰一笑山 靜志居 詩話 後宅漸廢

國朝陳廷益得之重加修葺復還舊觀 殷水遺聞 張寧記 略方洲草堂疊石為

嘉興府志 卷十五 古蹟二 聖

山周植小檜梅竹雜卉高曠未滿尋丈而欲擬諸大山

可發一笑彼山之大小者非已所有亦非草堂所能貯此

山可貯而有以其能小也山雖小而氣象景色生意畢

具則亦自有可喜而笑者在名之曰一笑山其北有舍

南向深僅及尋而橫廣以倍其上環竹為覆蓬仰飾粉

素通明虛白恍若一舟寄泊于湖山風雪間自念平生

薄遊江海以衰病還家休臥蓬室名曰雪夜歸舟所以著予之自得也

餘春園 一名小瀛洲 徐子正守襄陽歸築園城闔名餘春中疊

石為小東山結小瀛洲十老社其後倭人入寇所在焚

儲積遂舍園基為倉 靜志居詩話 明朱朴餘春園夜

香新漲雨林密暗藏花杖履通三徑圖 太守錢琦宅 琦自臨江守告老築小樓數椽顏曰東白

吟咏自樂 詩繫 橋李 沈蕩東漳水堰內有東畬草堂今尚存

新纂

許黃門宅 許相卿棄官隱居茶磨山引泉藝茗山有高

巖題曰天只峯曰星晶石曰弄月臺曰枕流巖後懸厓

陡絕處曰豐崖時跨黃犢披蓑帶笠行山覓句文徵明詩茶磨

清風不可攀高入先我十年閒懶搖玉佩聯青瑣故擲

銀魚臥碧山新水旋開田二頃紫雲深占屋三間若為

便置蒼生望見說青青鬢未班

九杞山雲濤莊 在永安湖子丑之位舊名杜家灣九杞

翁許相卿買之置杜曲岡雲濤莊因以名其山以上續

機侯蟄知冰潭清數石雪路漫多岐若箇孤山宅逋翁

嘉興府志

卷十五

古蹟二

墨

白鶴園 在縣西九里管山馮臯謨別業中有生壙曰白

雲阿殷水遺聞馮臯謨自為記

獨寤園 百可園 並在北城海鹽圖經兩園夾道西為獨寤

後垣東為百可皆鄭端簡讀書處孫端允改百可為祠

堂姚士舜記吳志年久荒廢給諫查培繼售葺以居顏曰

如圃海鹽續圖經鄭曉園居詩吾生已如此抱病對

看魚飛幽意那不愜誰云心事違乾坤長變化日月共

居諸海內誰知已山中此舊廬榮光與二鳥憔悴憶三

閭謝却周公夢冥心混沌初

灌木園一作庵閩清劉少彝讀書園也劉錫勇待廬集注在城大

營巷海鹽圖經

芥子園 衡州通判吳文憲有園號芥子在楊橋南內有

師陶閣文憲藏書處 殷水遺聞

彭氏園 在南城下彭時毅紹賢園也 海鹽圖經 名水月居即

今所謂楊園 新纂 彭宗孟家園雜言詩幽棲竟日掩

竹林翻愛酒杯閒到窗綠樹為家具入檻清池湛客顏

占得人間邱壑長不妨巢許買青山薛荔深深覆短垣

縱非壺嶺不塵樊久無踪跡煩開徑小有生涯到灌園

聊采溪毛魚共躍偶拋菰米鳥爭喧由來海客機能息

枉煞人間養拙尊 橫山草堂 青陽令崔培元宅舊在音潮港曰音潮草堂

罷官後卜居鶴塘橋側曰橫山草堂者蓋仍劉文房過

顧山人之詩也 新纂 嘉興府志 卷十五 古蹟二 罟

友于堂 在澉浦城內大十字街北司寇吳中偉故宅歸

田後與兄之英日往還觴詠其中堂名以此西南數武

畱耕堂即之英所居也 吳文暉澉湖詩話

黃雪園 一名蒼翠園 在橫山東二里畱鶴村諸生崔鼎別業

也有青玉齋鼎父子讀書處有假山曰韜雲巖俗稱觀

音兜瓏玲特妙老桂三十餘本開時如黃雪因以名園

今皆廢惟韜雲巖尚存 橫山紀略

一徑園 縣治西北半里為陳山人梁別業池沼四圍在

闌闌中其榜乃米南宮舊筆曰城市山林中有池名浣

筆亭名借漱 海鹽續圖經 明吳麟瑞借漱亭詩巢林不買山洗耳不買水太上澹忘物未俗貴

知恥一勾亦云借明志有如此冷暖不因人古稱隱君子
國朝彭孫通上巳日過漢黃一徑園飲詩積雨園林禊事遲孟公投轄屬芳時舊傳鴛政倭金谷新起山堂似習池欄戶泉聲寒夏玉藥欄花影細分枝尊前莫惜如泥醉勝會明年未可期

我日齋 在澉浦城內小十字街西吳中丞麟瑞太常麟

徵兄弟幼時讀書處中丞取詩斯邁斯征語以相勉勗

故名續澉水志

霞蔚軒 在東門內徐忠烈季子濟貞讀書處殷水遺聞

率園 在澉浦西門內有繭窩浴鶴亭諸景吳中丞麟瑞

之園也中丞自江西解組歸舟經彭蠡遇風載山石鎮

舟以歸壘諸園中極瓌奇之勝續澉水志

嘉興府志

卷十五

古蹟二

畧

安雅堂 在澉浦北門內吳貞肅麟徵宅即從吾道人故

居改築者澉湖詩話

半邏圃 在半邏村錢爾復仍始所築新纂

只欠庵 在澉浦北門內新纂吳蕃昌仲木於父忠節公殉

難後自愧不得就死庵其所居曰只欠橋李詩繫

慎齋 秦溪馮彥中讀書之所貝瓊有記見歸田橐

通政朱侃宅 在北門外白苧橋西內有兆慶堂椿萱堂

遺址尙存

朽石齋 在邑西門外法司橋西北朱西村朴讀書處

太守鍾梁宅 梁舊宅在邑西關內徐鄉橋有宜月樓期

雲閣皆梁讀書處致仕後于西關外一里築西臯草堂其內曰西清堂其西有喻園

續圖經喻園後歸外園內孫朱景肅益增其勝

有野老堂長春亭諸名蹟孫祖保祖傑皆能世其家云

鍾祖保有野老堂記

鄭尙書曉宅

端簡舊宅在北門內錦繡里祖父世居于

此堂曰存誠內有長春軒植紫牡丹甚盛通籍後營宅大虹橋側前爲輝萼堂後樓西爲六府祠又後爲存政樓

錢太常薇宅

沈蕩西半邏村中泉港有承啟堂遺址今

尙存有樓名南樓嗣孫陳羣太夫人常居此作畫有南

樓老人圖記

同春堂

劉御史東沙熠所居著有同春堂詩集

希園

沈參政允芳所築所著詩卽名希園集

福謙堂

在城中新橋街副使徐鷓舊居額書前峯先生

讀書處朱元弼所題也孫繼美重葺華亭陳繼儒書額

彭侍御宗孟宅

在縣治西思賢橋南彭氏自勝國初以

世官卜宅于此至昭毅而門閭始盛宅中堂額曰章有

士人呼爲彭衙衙其西有聚順堂乃侍御所建有樓額

曰重慶以上海令長宜與弟太僕同登賢書故名

華鄂樓

在宋亭徐應奎宅也應奎四子光祿丞光治贈

兵部尚書從治別駕允治孝廉昌治同居樓上讀書樓之命名以此

瞿瞿齋 在思賢橋南明上海知縣彭長宐所構有瞿瞿齋詩集見樵李詩繫

彭太僕期生第 在思賢橋南有堂曰澹寧又有介石居元覽齋茗齋諸書室其南一宅則昭毅第五子宗因讓官隱居于此額曰名高第五有堂近祖居額曰永思側有孽芳軒又有寤歌室為宗因蒔花煮藥之所以上新纂

國朝

遺安堂 瀕海而西為彭城里嘉靖間錢奉常築室于茲

嘉興府志

卷十五

古蹟二

七

為講學之所乙酉之亂嗣曾孫商隱葺治顏其堂曰遺

安楊園先生集

涉園 在南門外烏夜邨張大白讀書處其子給諫惟赤

創造山林邱壑儼若天成曲檻飛梁縈紆映帶巡撫范

公承謨駐節于此有長歌勒石海鹽續圖經中有來青門攬

翠閣樸巢玉玲瓏館杏臺流觴曲水篔簹谷柳幔荷香津

五龍澗居然濠濮松坪蓮花鳴待月廊可漱亭寒香逕

攬湖峯諸景新纂韓莢有記 李良年張皜亭招集

涉園詩六月林亭好避炎叩門纔過雨纖纖蓮東珠濺時翻鶴硯北風生盡捲簾正有故人燈影共何當良夜酒籌拈郎官雅意投車轄坐看清輝到畫檐馬維翰晚秋張比部舅招飲涉園詩木葉秋深烏夜邨城南風景愛張園卷簾雲氣收秦甃抱閣潮聲落

海門魚躍鏡中欣出網鶴飛天外薄乘軒追思前席持
整處真比泉明松菊存按察使秦公瀛題涉園圖詩
并序海鹽張螺浮先生於本朝初年官給事中以直
節著既歸築園曰涉園名人投贈甚富其後人梓亭學
博刻范忠貞宿園中畱贈詩及新城王文簡題咏彙為
一冊示余因賦此即書圖後余以行部屢過海鹽未得
一過斯園而先生故先高祖鄉會試同年也披圖展讀
有餘慕焉海國經行處會聞十畝園却看摩詰畫疑入
武陵源鶴立當時徑烏啼昨夜邨花溪兼竹港雅尚憶
黃門諫贖傳青史歸來此卜居畱詩問節使感舊得尚
書庾信為園曰陶潛解綬餘
故山松桂好吾亦念吾廬

樹萱軒

在澈浦小十字街西徵士吳為龍暨兄曰夔奉
母董居焉事母純孝為鄉黨所稱楊園見聞錄

拙宜園

海寧中允楊中訥別業編修許焯得之改名迂

樂園

海鹽續圖經

中有苔徑擷芳軒得樹堂晚研齋宅中亭

嘉興府志

卷十五

古蹟二

吳

西榭晴雲閣剩舫竹瀆巢經樓諸勝

新纂陳訐拙宜園詩雲亭新構傍

城闌小築幽棲寄此身遠俗園林聊偃息帶經泉石伴
紛綸即雖偶陟非忘世門自常關少雜賓蔣徑悠然塵
境遠不須耕釣說磻莘顧爾浚得樹堂詩綠陰曲沼
畫堂垂古樹虬柯塵外姿雨露漸濃春後葉風霜不老
歲寒枝猶懷宮柳連青瑱似植庭槐蔭碧
池岸幘胡林聊寄傲林光遙漾爽襟期

樊園

在東門外有梅花書屋為陳昌懃讀書處有涌月

臺可登以望海

海鹽續圖經陸嘉淑同高旦中坐梅

花書屋詩三間書屋書常扁好客偏能
淡夕停但數舊人如落葉即論吾輩亦晨星藥鑪煙覆
花陰合竹牖雲銜海氣青虬幹亭亭兩梅老待畱冰雪
吐芳馨

困勉齋

在澈浦吳哀仲所築張揚園為記

松桂堂

少宰彭孫適第即思賢橋祖宅也孫適致仕家

居

聖祖仁皇帝御書松桂堂三字匾額以賜勒懸中堂之上堂之

西有樾館卽孫適讀書處又有靜居閣及香徑山舍徧

植叢桂梧桐致有佳趣

廉讓堂 曹希文讀書處

以上新纂 葉燮有記 吳之振題廉讓擁書圖詩園扉截斷

往來賓棊几縹緗亦可人却是少時鄉塾裏早完經課樂雙親

平湖縣

漢

陸閎宅 在平湖縣東北二十七里陸閎爲潁川守致鳳

凰之瑞因名鳳凰基

明浙江通志

嘉興府志

卷十五

古蹟二

四九

陳

顧亭林 顧野王居此因以爲名後爲寶雲寺寺南高基

野王曾于此修輿地志

元至元

縣東北三十六里東柳旁

顧書渚相傳野王讀書圃

平湖朱志 元張憲詩昔聞野王宅今上讀書堆篁竹最

深處菊花時自開天風響鐘磬海氣結樓臺回首陳梁事悲歌付一杯

宋

魯簡肅園 自縣治迤東皆其遺址今遊橋尙存一云東

臯園在博陸祠後今爲東林禪院西臯園在今楊梅園

地今爲西林禪院

平湖顧志

案山亦簡肅南臯園

當湖風土記略 明

戈定遠魯簡肅廢園詩我過東臯野山村古木秋棲棲傷馬齒耿耿憶魚頭小月寒迷徑殘花晚照樓高風千

古在吹淚
到松楸

彝齋 趙孟堅居嘉禾之廣陳里有彝齋 癸辛雜識 案

相傳即子固故居又張蔡詩注東湖東去數里有鶴舒

離為子固放鶴處 國朝沈廷燦過趙子固故居詩

涼颺走餘熱荻花弄柔雪小舟盪廣陳所憶在曩哲緬

懷簡文公和璧正無缺當其烹小鮮無字歌切切何敬

非播刑惟良獄可折飢必由已飢賑弗畏肘掣萬骨起

肉之孔邇每洽悅若使奏剝擊功在禹臯列風景忽焉

殊拳茅于此結嘯歌白日閒寒暖自分轍一坐洗復洗

謂可軒冕褻摩詰不捨宅鵲巢來鳩竊兩寺東西分陳

構悲澌滅縱眼但棘荆勝地誰指說頗怪邑史中爬羅

及瑣屑曷為五百年杳無弔高節應是知公希公之節

彌烈冰壺未足潔燭火未足

晰為公發狂歌秋月下潭徹

元

南村書堆 去縣南百步元至正間里人張紘號南村多

嘉興府志

卷十五

古蹟二

五

書因聚土成邱以為誦讀之所號南村書堆 平湖程志 嘉靖

癸丑山陰王畿吉水羅洪先講學于此 東湖志 案沈

書堆六先生會記六先生者羅念庵王龍溪及鄒東廓

唐一庵唐荆川湛一方相與論格物之旨經數日而罷

聲滿家讀書不作村學究身為郎官印如斗如今祇令

稱書鄉不讀書人誰姓張

聽雪齋 在東泖明孫固讀書處久廢 平湖程志 元明胡

楨聽雪齋詩老夫聽雪龍門寺浙瀝初間飄雪多龍噴

雨花天作瑞象占雲葉氣生和月明蟹過銀沙岸風細

魚沈玉海波萬籟一空天地在誰憐聲色老婆娑山寒

集詩樓前宿鷺起星河近歲江南雪轉多投老鍾山寒

不寐滿山松竹夜如何明胡儼詩茶竈烟沈鶴夢驚

梅花香冷蝶魂清捲簾試看飛瓊舞隔竹俄聞裂帛聲

黃葉秋乾綠砌響銀沙風急灑窗鳴

絕勝聽雨巴山裏一夜鄉心白髮生

石莊小隱 在東泖石都尉莊沈氏世居于此有逸民堂
來青樓萬竹房小可軒諸蹟明沈瑞鑿
有家園記

明

東林別業 在柳莊塘沈昇築前對陳山東近釣雪汀北

為桂林久廢平湖
張志

漁隱故居 御史沈埭讀書處平湖王志
沈埭詩名落
人間二十年一溪漁隱自

悠然晚風楊柳堤邊笛秋雨蘆花渡口船沽酒自邀漁
父醉枕蓑時伴白鷗眠只因回首成陳跡贏得人稱似
川朝

紅蓼村莊 在當湖東青里御史陸愈別業太常陸志孝

讀書處中有池臨池有翔後亭久廢平湖
高志太常嘗改為

義學沈懋孝有記吳
志

序芳園 在東湖濱嘉靖初參政趙漢致仕歸自構園曰

序芳又曰常足窩製一舟名平查優游林壑詩酒自娛

王畿有常足窩說携李詩繫
明唐順之詩為耽泉石
謝塵櫻散髮扁舟羨獨行數畝荒廬

堪自老滿洲鳧鷖欲相迎已知野叟無機事不向漁翁
說姓名余亦洞庭洲畔客因君轉切故鄉情徐階詩
一竿東去意何如蘭芷鷗鳧共隱居晦跡久焚封事草
遣問聊注攝生書鶴歸世重林逋宅龍臥人方諸葛廬
我病正牽泉石念
從君端欲謝簪裾

三魚堂 在尚義坊豐城丞陸溥築陸光祖
有記後子孫移家

西泖口仍以三魚名堂平湖王志
事詳列傳

四桂亭 贈光祿少卿陳泰來別業久廢平湖王志
國朝陸濬睿四

桂亭訪桂詩桂花今歲早泛艇叩雲庭秋水一溪綠良苗千頃青飄香循曲徑憩蔭入踈屏鬱郁沾衣袂幽齋任爾局

沈園 在南門外布政沈萃禎別業周遭植松柏無雜卉

率子弟讀書其中久廢 平湖張志

陸長卿書屋 水明樓之北岡為竹塢南為書屋即陸長

卿著五經處 陳際泰福源寺記

牧園 在東湖上主事馬維銘築 橋李詩繫

也園 在小南門內明布政陸懷玉築懷玉好奇石能壘

山又善種樹園林清勝久廢 橋李詩繫陸懷玉詩自種雲根二十年也園十畝

總悠然豈無幽徑通韋曲亦有奇峯學米顛半砌苔衣清似水一池花石小于錢歸來便是西疇長晚稻秋香

嘉興府志 卷十五 古蹟二 壘

滿社田

東臯園 在南門外六里給事馬嘉植歸田後築古桂數

十株彌望成林名黃雪山莊後屬沈氏

國朝康熙中錢塘翁嵩年寓此後歸州同知黃瀛更名南莊

壘石為岡植梅花最盛 國朝高士奇東湖沈氏園詩莎徑春深碧蘚斑高亭斜枕亂

松間雨添新漲半篙水雲擁青螺一抹山穿樹鳴鳩催布穀當堦密葉見傾鬟佳游不問園林主飽趁歸來日

月閒張雲錦南莊探梅詩一棹荒寒路幾經殷勤梅信報園丁人來淺水綠邊以花問夕陽紅處亭昔酒香

仍消醕酌春懷淡欲入空冥試燈節後應全放待折橫枝向膽瓶

且園 在北門內御史郭紹儀別業庭前兩峯並峙一名

舞袖峯一取雅山頭陀石為之名頭陀峯亭臺映水花

木盈庭城市中有山林景象以上平湖張志

耘廬 在北門外七里孝廉馮洪業築平湖張志為祇三百周

遭浚濠內為連山複嶺植梅三千築室其中名雪窖植

海棠千名海棠巢植桂二千名桂香逕馴舞鶴三十餘

一時文酒之盛比之玉山馮李詩繫

國朝屬御史陸光旭題曰桂山堂其後侍郎高士奇得之改

曰北墅有三十二景曰江村草堂雪香亭碧梧溪醒閣

秋柯坪菊圃松盤山漁書樓酣春榭巖耕堂問花埠花

南水北之亭逃禪閣泛綠亭覆瓿泉蔬香圃耨水樓金

粟徑蘭渚芙蓉灣修篁塢紅藥畦瀛山館蓴溪晚花軒

嘉興府志 卷十五 古蹟二 五

鶴巢紅雨山房來禽坳漱晚磯抱甕陂香芹澗五老石

今廢平湖王志明張長生遊馮園詩夙愛雲廬好春

依蒲憶樂魚名山誰卒業惆悵覓遺書國朝韓葵北墅

詩達人無不可江村勝賞偏往者折瑤華貽我抱甕篇

上言百卉繁及時鬪芳妍採挹可命騷瑣細欲補箋次

言庭館幽頗愜靜者便振衣亦有岡濯足亦有泉我欲

往從之御風渺因緣臥遊懷中字琴趣在無弦不到疑

虛無即目非補假我來恣遊敖一如昨者是時梓樹

花花落餘猶彈此行後春風相待未相左徐乾學北墅

願言結長夏光景不畱人徘徊行復捨徐乾學北墅

梓花詩二首繁英過盡惜春殘老幹捎雲萬蕊擗楸價

樹高為別子棠榴花豔是巡官千層紫障圍春夢一院

紅霞破曉寒愁煞東風吹欲墮絳沙麩蠟夜深看雞山

珍木氣氤氳花雨翻空蔽夕暉蜂抱殘須穿碧網燕銜

墮蕊出紅雲頻拈繡毵芳筵換正點香茵暖日分畱得

貞柯千尺老好裁琴瑟和南薰陸萊北墅看梅詩石

徑中穿異昔時疎林不復掩平池眼

前再易耘廬主幾樹梅花是舊枝

虹島

在南城外太學趙韓家園久廢

東湖志

國朝

虹島詩心遠非關剝啄稀梅花繞屋水環扉寒禽榻上窺紅子名酒牀頭問綠衣城柝不驚幽臥穩漁燈遙入夜窗微與君潦倒烽煙外總話江南春事肥

劉園 在東湖上尙書劉廷元築有四面樓結構蕭爽湖

山掩映如畫董文敏題額久廢

東湖勝槩

蜃園 在乍浦城內西南隅孝廉李天植築

平湖王志

園中植

竹木構鄰鷗軒深省堂曲欄幽榭小徑疎籬頗稱佳勝

今廢為三山會館

九山續志

放鵬亭 在西門外飯籬浜高士李延是築久廢

平湖王志

北山草堂 在北門外主事倪長圩別墅

弄珠樓志

嘉興府志

卷十五

古蹟二

蓄

國朝屬景寧教諭陸光耀後歸州同知張永年題曰一壑松

風極園林花木之勝吏部王澍署其廊曰拈花掬月

東湖

志 國朝曹溶倪伯屏新園詩司馬非忘世安時志自堅隴陰仍抱膝岸側且牽船繞坐眠官柳停杯叫蜀鵑湘流通笠澤靜放白鷗天 張永年一壑松風探梅詩松風一壑起幽湍常伴梅花閱歲寒任爾寒香清到骨隔籬也 許俗人看

尙書陸光祖宅 在清水浜舊名寓園堂曰寫蘭有泉石

之勝歲久亭榭盡圯後歸監生張誥置軒楹自題曰耜

洲山莊

新纂

國朝

傳心堂 在顧書渚東爾安書院內陸清獻歸田著書所

平湖
王志

十杉亭

在東湖西南閣學陸棻別業後歸通判張漢年

乾隆乙丑知府張逢年復闢地重建補栽杉樹錢塘杭

世駿題其門曰張園有凝香草堂得月亭漱軒水明樓

水西雲塢聽雨居芙蓉隄諸勝

東湖志 舒瞻過張園詩十杉亭子占湖濬重

過輕橈一問津別後星霜逾七載到時花柳恰三春渚禽掠水先迎客語燕窺簾欲近人茶竈書牀容澹蕩者

番不是宦遊身 周京詩山館玲瓏臥起便春波倒影日光穿十杉亭子空明裏似向垂楊泊畫船

茂脩書屋

在遊橋下

平湖王志

汝川知縣陸洽原宅極池亭

山石林竹花卉之勝又有真曠樓

橋李詩繫

陸堂

在三登橋明滁州通判王梅故居檢討陸奎勳著

嘉興府志

卷十五

古蹟二

五五

書于此因名陸堂即自號云

沈岸登陸堂移居詩參佐橋邊宅三間自昔聞

風流今未墜塵市不妨君圖畫隨宜設琴尊可樂羣只勞村叟夢相望一層雲

草庭

在南司東貢生鮑駿讀書處

以上平湖王志 汪琬有說 王士禎寄

題鮑聲來草庭詩愛君三徑好芳草滿南榮微雨過時綠春風吹處生紛紜書帶色瑣細楚騷名不是江潭客

休悲鵲 鳩鳴

鮑莊

在朱車橋東州同鮑懿瑞築修竹萬竿顏曰筠溪

翠竹今廢

平湖張志

紅檀田舍

在清溪布衣沈岸登宅有黑蝶齋春及堂

沈岸

登歸紅檀田舍詩歲月一身惜江山三折深歸船惟載夢寒日易驚心四壁蜂脾綴虛簷藤蔓侵紅檀門外見

漁火出 疎林

倚園 在十杉亭右舊為陸氏別業名小桃源中有影三閣項聖謨為之圖今歸陶氏乾隆壬寅邑人沈初題曰

倚園 以上新纂

石門縣

五代

錢王舊館 在縣北三十里錢林邨吳越王錢鏐微時有

舊館于此後改為祖祠

徐頽故宅 在縣東南三里晉開運二年吳越陪臣徐頽

捨宅為崇聖院 以上至元志

李益之故宅 在縣東十八里晉銀青光祿大夫尚書李

嘉興府志 卷十五 古蹟二 癸

益之宅天福八年置為保安院 崇德洪志

宋

漁蓑堂 宣政間張公秀從葉石林遊後來丞崇德遂居

邑郊築堂曰漁蓑 崇德新志

傳貽堂 輔潛庵自祠官報罷歸隱語溪題讀書之堂曰

傳貽 文及翁傳貽書院記 邑大夫家之柄為建傳貽書院 至元志案舊

址在學宮後見張璵重立傳貽書院記

沈徽學晦舊居 狀元坊在崇福寺西趙家巷因狀元沈

徽學舊居此故名 至元志

趙申公舊居 洲錢市在縣西北二十七里宋南渡初土

大夫來寓者殆二十家贈太師申國公不求父子寓踰一紀丞相福王實生于寺橋南之民舍至元紹熙中邑

令范機榜其里曰生賢忠定後舉進士第三復表其巷

曰探花趙圖記

顏侍郎岐宅 靖康初岐以門下侍郎扈駕南渡定居石

門鎮北子孫遂成村落今猶名陋巷村石門鄭志

椿桂堂 建炎初莫琮避地是邑因家焉有子五人俱登

儒科迎侍祿養縉紳榮之邑宰朱軾即所居立五桂坊

家有椿桂堂士大夫多賦詩至元監丞周必正為扁其

堂柳志宋謝諤記略范文正敘燕山竇氏中有一椿五桂之句自後繼之者未易惟今秀崇德縣莫氏可

嘉興府志

卷十五

古蹟二

五

儷其美蓋通直郎致仕累贈中大夫以儒行起家試集英殿名列官簿其嘉耦臨安縣袁氏累封太令人康寧在堂年方八十一親生五子俱登進士科長曰元忠字子直壬辰黃榜見待次池州通判次曰若晦字子明庚辰梁榜見知袁州次曰似之字子欽甲辰衛榜見任丹徒尉次曰若拙字子才辛丑上舍黃榜見任真州教授次曰若冲字子謙乙未詹榜見待次湖州安吉知縣大抵為人所不能為賢罕見為奇壽高為福莫氏兄弟奉親力學光大其門非賢歟同氣聯榮至于五世所罕見矣先中大既權輿于前俾在後者無忝而北堂慈顏椿幹日茂福為何如項子直貳令于舒舒之史君監丞周公必正為之榜其堂曰椿桂且賦兩詩邑宰朱君軾又即所居立五桂坊由是大篇短章鏗鏘滿編凡縉紳士大夫與登窗諸生率皆慕用相與磨琢不敢不力袁州史君迎侍安輿黃堂戲綵壯觀江右比以書來索詩因為錄次庶以勸學 范成大題椿桂堂詩君不見衣冠盛事今猶昔前說燕山後崇德聯翩五組帶天香世上簾金賤如礫他年詩禮到雲來日日高堂稱壽杯桂長孫枝椿不老却比竇家應更好 葉適詩九官八士古之良靈椿丹桂後騰芳馮公詩意雖短陋問里傳誦終

難忘君家同生五兄弟短檠伴夜東方啟黃旗兩紀張
慶闈約袍五號趨文陛辭華標角人力能科名均齊天
所興作堂不須棟梁好但種此木高千層透日垂陰香
未歇滿庭車騎同時列更將磊落替團圓畱與北風觀
節壯

方公誠故宅 在縣南津鄉尙墅村建炎間公誠以秘書

丞從高宗南渡因居于此 石門 廊志

怡堂 在干乘鄉蔡氏開開闢昆弟同居故名 案至元志五桂

坊以莫氏五子登第建又有蔡氏弟兄居是坊故又立桂華里以榮之

陸尙書德輿故宅 在五桂坊西南 以上 吳志

東西張氏園 石門鎮有東西張氏園東張名子脩嘗監

石門酒庫遂家以葬焉西張迪功郎名汝昌依子脩而

居兩家並有池館園林之勝號東西園 趙圖 子修孫琥

復繕流杯亭遂初亭 桐鄉 徐志 至今乳鴨池流觴曲水尙存

居人稱花園里 崇德新志 宋莫若冲詩爲米徒勞束帶難當時彭澤便休官高情曾賦歸來

句畫入名園扁署看 戴復古詩乳鴨池塘水淺深熟梅天氣半晴陰東園載酒西園醉摘盡枇杷滿樹金

足閒堂 莫寺丞若冲所居歷官歸以足閒名其軒後遂

以顏其堂 新纂 宋陸竣詩吾生固有涯寸心與天寬萬境紛相求大智斯閒閒枵腹屬厭耳渴飲

飢卽餐百年付欹枕炎涼自回環鳴珂禦水東宴坐古道還爽塏得郊墅槃槃謝家安觴咏日尋勝百金笑渠慳朝陽香不聞春夢過天關下視蟻旋忙 錙銖闕闕闔襟期倘印可容我造其間

明

百歲堂 孝子周文忠年百有三孫塏建百歲堂奉之 崇德

志

許歸堂

呂相判南陽乞歸阮中丞鶚以善人里表其門

其子煥尙南城郡主乞歸偕養詔許之歸而築堂顏曰

許歸

攤飯
鳩譚

友于軒 篁墩俗呼黃泥墩沈廉訪宏家焉建祝聖臺其

上旁有友于軒卒葬陳山子如封構樓黃墩以眺陳山

顏日見山以寄風木之思

崇德新志沈
宏自爲銘

友芳園

泰興令呂炯之園也又有別墅曰五柳莊在縣

西門外饒竹樹廊房之勝

黃汝亨寶函樓記
沈懋學

園詩城角芳園戶半開長林倚杖獨徘徊當年抱甕人
何在此日看花客又來蔓草春深荒硯沼鄰雞日暮上

嘉興府志

卷十五

古蹟二

弄

香臺莫因今昔嗟興
廢金谷平泉盡劫灰

客星齋

醉夢齋

吳郡作宰歸入笈山社有自題客星

齋醉夢齋二銘

吳志 齋中聯云垂釣有深意
望山多遠情社中人沈穉圭書

崑陽書屋

安仁令李華春讀書處也梁孜有爲李仲實

題崑陽書屋詩

攤飯
續譚

息劬園

薊州知州鍾起鳳園也在學宮右文壁山後

吳志

鍾起鳳息劬園詩結廬少城隈種竹不盈畝巷列九

頭松門栽五枝柳綠水浸橫塘紅蓮間白藕芙蓉環小

橋有亭大于斗桃李紛南榮桂杏排北牖橘實散餘馨

梅萼絕塵垢羣卉遞芳妍鑒賞來鄰叟彼我各忘言時

傾一杯酒頽然入

醉鄉遊于無何有

貝瓊故宅

在語兒溪上瓊之舊業也元季隱居邨落從

之遊者甚衆貝瓊懷語溪舊業詩不到溪南宅桃花又
一春長貧疑造化已老厭風塵直道難容
世虛名只誤人扁舟
卽歸去吾豈戀秋葦

大雅山居 呂泰興炯別墅初名有待軒後更今名明余
寅有

元對樓 沈稚圭之樓也雅圭如璋之子

允受軒 胡上舍鳳賓築鄞縣余寅君房題額蔡獻臣
有記

國朝

愛日堂 在語兒溪上姚仲聞所居張履祥為作愛日堂

記

黃葉村莊 吳孟舉學古著書之所也蘇子瞻詩家在江

嘉興府志

卷十五

古蹟二

本

南黃葉村孟舉好之而名其所居之莊葉燮黃葉
村莊集序項奎

為作圖吳之振卽事詩柳梢小市接城郭春動園林萬

易學從吾癖論不求高亦自娛舊業十年成棄置寒巖

枯木有根株 又次韻詩錦石青泥壘矮垣高梧翠竹

護西園披衣自愛臨風檻散髮還來傍水軒奇字懶尋

來燕居 在縣西門內新羅令曹遠思宅也始卜室元鳥

適至遂以名其居邑令鄺世培為之記

帶存堂 曹叔則所構當堂未成時橫山葉星期為之記

以上
新纂

桐鄉縣

宋

陳與義宅

在青鎮廣福院後芙蓉浦上

浙江通志與義卜居

青墩鎮築簡齋居之遂號簡齋

橋李詩繫簡齋詩我窗三尺餘可

以閱晦明北省雖巨麗無此風竹聲不著散花女而況使鬼兄世間多岐路居士繩牀平未知阮遙集幾展了平生領軍一屋鞵千載笑絕纓槐陰自入戶如我喜新晴覓句方未了簡齋真虛名

徐綱宅

淮東議幕徐綱宅在縣市後街一族蕃衍分處

同里今儒學基其一也

桐鄉徐志

張掄宅

張掄乾道間人世居開封扈蹕南渡以文墨際

高孝二廟賜第青鎮

烏青文獻

東皋園

在崇德青墩處士沈平所構

至元志 桐鄉徐志沈故宅在青鎮

嘉興府志

卷十五

古蹟二

空

荷花池東所居

園有東皋亭賽蓬萊堂迷仙境梅花閣

宅後有東皋園 釣魚磯宰執鄭太師吳履齋趙觀相皆嘗遊歷園名遂

勝又有綠荷池者亦園中一境每歲元宵張燈為水戲

縱人遊觀端平末始廢

趙圖記 元諸傅東皋園詩寒烟衰草一蕭蕭歌舞曾傳樂事

饒古樹頽垣無繫馬夕陽深徑有歸樵樽空落月吟魂杳花老殘春蝶夢銷何事池蛙諳鼓吹惱人鳴向可憐

莫澤宅

莫尙書澤宅在朝宗門內

烏青文獻

高僉判故居

黃勉齋監石門酒庫時嘗訪高僉判所居

有詩云自慚公子貴未老賦歸與又有小艇寒蘆之句

當亦知幾之士早賦遂初者也

吳志

同壽堂 在崇德鳳鳴里萬春橋之東蔡氏自淵齋南渡

扈蹕家焉子梅友竹友並以醫業顯吳隱集 貝瓊有記

濮斗南宅 濮斗南仕宋為吏部侍郎理宗賜其第曰濮

院濮川紀略 案橋李詩繫濮氏自著作 郎雲翔從宋南渡占籍于此遂名濮院

元

張伯淳宅 侍講學士張伯淳宅在石門鎮玉谿橋西桐

徐志 案徐志作宋 人浙江通志仍之誤

濮氏宅 一曰舊宅在西寺後一曰大宅在洗碗池一曰

市上宅在市中四面皆永樂市房內有松月寮宅旁設

義塾以教養里中子弟一曰南新宅在南新街左一曰

嘉興府志

卷十五

古蹟二

奎

南河宅在陸家橋西一曰西街宅在定泉橋有吉藹堂

知止堂百客橋桐香室此樂閒公晚年所構濮川殘志 元楊維

楨有松月寮桐香室記 濮允中桐香室詩研經服卽 課子掃榻倦亦雷賓莫嘆秋風蕭瑟穿林月片如銀

陳約題松月寮詩遡源傳玉葉世外想高蹤道似山中 豹人猶柱下龍後凋殊不改孤照若為容只此披襟坐

塵囂隔 萬重

濮司令園 在西街宅後一名叢桂園濮樂閒司令所築

與魏塘顧阿瑛海棠園爭勝濮川 誌略

吳琪宅 慕化鄉有元侍書吳琪宅基趙圖 記

石朝用宅 廉使石朝用宅在濮院鎮北今名顧家園是

柳莊 在張蕩程隱君克柔築人境荒寂結廬其中旁植

高柳鬱然成林 以上桐鄉徐志

來青堂 陸容景遠居崇德及山之北構來青堂于兩峯

間吟諷自樂 橋李詩繫 明貝瓊有記 又過來青堂

陸生山中釀酒熟雪後具舟迎好學來諸子論詩過二

更窮愁一披寫杯盡更須傾衣冠且從俗猶有晉風流

我愛陶貞白人稱馬少游蜂房寒未割雞柵暖宜脩不

必論三仕何如號四休擾擾知何事人間即夢間試從

千佛轉能見幾人閒水落元通月雲行不礙山長歌和

樵者日暮抱薪還 陸容來青堂詩我來已過看花時

剛到春秋未是遲縱使芙蓉 零落盡此臆還有耐寒枝

明

鮑恂宅 鮑涇在及山南鮑學士宅在涇之上 吳志

貝瓊宅 在及山今作庵 桐鄉志 貝助教瓊鮑布衣恂家近

嘉興府志 卷十五 古蹟二 奎

及山與張布衣翼姚教官桐壽周山長致堯倡和為詩

山上尙有題字 譚吉璉鴛鴦湖權歌注 貝瓊及山隱

月兩昏昏野花作雪都辭樹溪水如雲忽到門無復元

戎喧鼓吹試從田父牧雞豚來青處士時相遇猶是平

原舊子孫 貝翔閒居詩閒居不是為逃名野性從來

少宦情況有林塘供嘯咏且無冠蓋費逢迎夕陽山好

樓中見春水船齊樹杪行何處飛來雙白鳥時時相近

不相驚 國朝朱芳藹訪清江先生故宅詩溪畔扁

舟繫樹根柳陰小犬吠柴門前邨 戴笠扶犁叟知是詩人幾葉孫

宋濂宅 在濮院鎮梅花涇上有讀書臺 浙江通志

竹深處 在芙蓉浦上明張宗儒所居 鳥青鎮志 貝瓊有記

江漢宅 江翰林漢宅在濮院鎮西明初卜居此地

程本立宅 程都御史本立故宅在城東門內 以上桐鄉徐志

拳勺園 參議李樂宅在青鎮荷花池東宅後置園一區

曰拳勺園中有餐英館木雞窩長嘯閣吟二亭真隱樓

樓畔荷花最盛署曰青蓮居一作香蓬居其地本東臯故園

云烏青鎮志明李樂園居即事呈胡契泉詩習懶詩

逃暑荷香却散愁先生素知己恕我不梳頭釋方澤

過李參藩園中詩春老郊園雨亦晴客來猶喜聽啼鶯

亭間片石窺檐立花底香風拂席生寓目自饒林水致

憑欄多識草蟲名移時款語將歸去回首溪頭夕照橫

牆東小隱 在拳勺園東李臨川弟光父居也吳志明

堂橋李詩繫

嘉興府志

卷十五

古蹟二

齋

聽雪齋 錢塘戴良徙家及山之西築齋曰聽雪明貝瓊有記

春暉樓 處士張近溪築在青鎮李樂題曰春暉樓并贈

一聯云奇情對旭日遠志問高雲其孫超方起俱讀書

樓上成進士

日涉園 在縣治西馮布政致置以奉母者構屋數楹顏

曰樹護草堂堂右回廊曲徑有桃源洞秋水亭觀魚榭

此君齋諸勝

國朝康熙初猶存老屋頽垣及殘梅數本今僅前後兩池國

朝汪森過馮園詩廢圃春誰過微風晝掩門曲池浮荇

葉荒石臥苔痕客漫題詩句人無載酒尊為遲寒食後

重與問

桃源

百可園 在甌山東里許序班錢允淳晚年構園亭于東
皋顏曰百可內建高明樓敕書樓準提閣鑿池跨梁植
梅種竹四時名花不絕

沈園 在爐鎮觀察沈思充歸田後築內有挹秀樓醉月

軒諸勝 以上新纂

國朝

楊園隱居 在甌山西南二里張考夫履祥隱居于此世

稱楊園先生 烏青文獻周貧懷張楊園詩契闊張夫子平生實典型立言惟布粟為政在家庭

上下論千古東西有二銘閉塔帶草色幾日又青青沈堯咨甌山懷楊園隱居詩甌山遺舊宅大隱在人寰碧水自清淺白雲空往還高風殊落落啼鳥尚關關不見楊園老憑誰一訂頑

嘉興府志

卷十五

古蹟二

李

沈機宅 沈處士機故居在雙賢橋有梅涇草堂即朱景

濂讀書處 漢川紀略

高節寒香圃 在青鎮蓮花巷內處士張園真置以奉母

者庭前有疎竹寒梅因名繪高節寒香圖一時名流題

咏盈軸 烏青鎮志

文史園 在縣治西日涉園北沈大令兆奎歸田後所構

有遂初堂迎月軒四圍皆竹避暑尤宜今廢 新纂汪森詩仙侶舟

初故名園路尚迷叢花當岸北脩竹過橋西山鳥如相喚蘿軒只自題逢迎君更懶真合此幽樓

華及堂 休寧汪晉賢徙居梧桐鄉營碧巢以當吟窩築

華及之堂以讌兄弟賓客建裘衣樓以藏典籍 曝書亭集 堂

內有竹軒蕉牕石雲居浮溪館洞溪草堂金粟玉蘭山
舍一時名士雲集觴咏無虛日朱彝尊額曰浮溪環谷
新纂 俞南史華及堂坐雨書呈周士晉賢詩庭芳狼
籍漸成茵忽憶家園草木春千樹梅花偏作客一溪風
雨慣畱人紅螺泛酒燈前醉青繭題詩硯
北新不是主人深結好那能歡聚動經旬

陳處士梓故居 在定泉橋右有定泉書舍 濮鎮紀聞
李元繡有記

甌香圃 在濮鎮梅花涇上仲宏道別墅

鄭園 在爐鎮中書鄭蘊宏所構內有書帶草堂近薰閣

怡亭諸勝 以上
新纂

一經堂 汪繩煥家桐鄉於所居構一經堂有山林幽致

畫徵錄 吳銘道詩清景彌歲年綠淨寓平遠貯書連
屋牀編籬隔庭院時有讀書聲林間出清婉晨與青山

嘉興府志

卷十五

古蹟二

奕

朝夕與白雲晚春來報花繁徐酌
可忘返我欲具扁舟投君坐深穩

